

Proposicion pa paisnan Caribense den reino haya nan propio paspoort Hulandes

ORANJESTAD -- Parlamentario André Bosman di partido Hulandes Volkspartij voor Vrijheid en Democratie (VVD), ta propone pa residentenan di Aruba, Corsou y St. Maarten haya un paspoort Hulandes modifica.

Pagina A3



E ley di Defensor di Pueblo y Defensor di Mucha mester wordo carga pa un y tur!

ORANJESTAD -- BON DIA ARUBA a combersa cu presidente di parlamento di Aruba, Sra. Marisol Lopez-Tromp, kende actualmente ta na Hulanda y el a comenta cu introduccion di e institucion aki lo por brinda un contribucion grandi na ampliacion di transparencia y integridad di gobierno di nos pais.

Les a detayenan riba pagina A2



Turista ta haya ataca di curason y ta fayece



PALM BEACH -- Diaranson marduga presencia di Ambulance tabata solicita na Occidental Grand Aruba Hotel pa un turista di riba 50 aña cu a haya un ataca di curason. Autoridadnan competente a haci lo maximo pa trata na reanima e turista pero tur intento tabata envano.

Pagina A3

ORANJESTAD -- E cuestion di promocion y posicion huridico di e empleadonan di KIA ya pa basta tempo ta andando y a yega dado momento cu e trahadonan na KIA a cuminsa bolter huma, cu a yega na un extremo cu nan ta cla pa bay den accion.

Pagina A4



Mayornan di dos mucha deteni pa sospecho di secuestro di nan yiunan

Arizona, MERCA -- Polisnan di e ciudad Mericano Tucson den e estado di Arizona, diaranson a detene un homber y un muhe bou sospecho di secuestro pa a mantene nan tres yiunan den nan camber bou condicion no saludabel.

Pagina A24



FIFA ta mantene sancion contra Ucrania pa insultonan racista

Zurich, SUISA -- FIFA a bisa di rechasa e apelacion di Ucrania contra e sancion cu a wordo poni despues cu fanaticonan a abusa racial di nan propio hungado scur y a uza saludo di Nazi.

Pagina B4



Presidente di Parlamento Marisol Lopez-Tromp:

E ley di Defensor di Pueblo y Defensor di Mucha mester wordo carga pa un y tur

ORANJESTAD – Aruba ta e unico pais den reino cu no tin un ombudsman (Defensor di Pueblo). A base di un bishita reciente cu S.E. Gobernador di Aruba, Sr. Fredis Refunjol a haci na St. Maarten, el a haya mas informacion riba e experiencianan den establece e institucion Ombudsman riba e isla ruman. Presidente di Parlamento, Sra. Marisol Lopez-Tromp ta pensa cu e ley aki mester wordo carga pa un y tur, tanto den parlamento como pa e publico en general.

INTERES DI GOBERNADOR

Durante e bishitanan di e tempo ey informador, Sr. Mike Eman, Gobernador a pidi pa considera inclui den e programa di gobernacion e gabinete e institucion ombudsman, mediante registracion di esaki den constitucion.

CONTRIBUCION

BON DIA ARUBA a combersa cu presidente di parlamento di Aruba, Sra. Marisol Lopez-Tromp, kende actualmente ta na Hulanda y el a comenta cu introduccion di e institucion aki lo por brinda un contribucion grandi na ampliacion di transparencia y integridad di gobierno di nos pais. Loke ta e ley di ombudsman cu naturalmente e deseo t'ey pa hopi tempo caba den e arena, no solamente politico pero den comunidad di Aruba, pa Aruba haya un defensor di pueblo, loke ta wordo yama ombudsman, cu ta sali padilanti di derecho di hende, ora cu nan tin cierto kehonan of ta sinti cu cierto proceduranan cu no ta sali beneficioso afo. Nan derecho no ta wordo respeta.

DEFENSOR PA MUCHA

Na mes un momento, e idea ta pa bin cu un Defensor Pa Mucha, cu por cierto tabata tin un reunion na Hulanda den e aña cu a pasa pa loke ta e reunionnan enter parlamentario caminda cu den e comision di hubentud, kende Lopez-Tromp tabata su lider y hunto cu otro paisnan a palabra cu cada parti di reino lo mester tin su propio Defensor pa Mucha (kinderombudsman).



COMBERSACION CU OMBUDSMAN

Hulanda tin'e den persona di Marc Dullaert por ehempel, cu kende Sra. Lopez-Tromp a topa tambe e aña aki. Proximamente e lo bay tin un reunion pendiente e siman aki pa combersa cun'e riba e funcion di ombudsman na Hulanda pero tambe riba e hecho cu e ta necesario pa proteha e derecho di nos muchanan.

PASO PA PASO

E rapport di UNESCO cu a wordo presenta recientemente na mei na Hulanda y na Aruba, ta muestra cu aunke cu pa basta aña caba, Aruba ta trata paso pa paso e derechonan di nos muchanan. Ainda tin un caminda pa bay. Esey ta nifica cu na e momentonan aki gobierno tambe mester sigui traha riba e leyman cu ta necesario pa salvaguardia derecho di nos muchanan, pero esencia ta cu parlamento a lanta una comision special, specifico, pa conhuntamente traha riba e ley di ombudsman y kinderombudsman cu ta wordo carga pa henter comunidad.

CARGA PA TUR HENDE

Tur fraccion ta bin representa. Partido Democracia Real, MEP y AVP ta representa su miembronan den e comision di ombudsman. E meta ta pa bin cu un ley cu ta wordo carga pa parlamento, no un

ley di un solo partido politico of cu un par ta di acuerdo of un par no. Mester ta algo nacional carga.

Esaki ta pasobra cu e instituto ombudsman ta uno autonomo, caminda cu e por bira no solamente un persona pero ta bira un entidad autonomo, manera Raad van Advies, Parlamento, cu por bay bin un ombudsman y kinderombudsman y ta rekeri cu tur tercera parti di parlamento por lo menos lo tin cu vota pa e ley aki bira un realidad.

INSTANCIANAN

Tur instancia cu ta sinti nan mes involvi den e derechonan di nos muchanan pa cumpli cu nan of cu ta contribui na esaki of cu ta hunga un rol importante den desaroyo di nos muchanan, ta asina cu e comision di parlamento lo acerca y invita nan pa den e procedura pa formalisa e ley aki, scucha nan oficialmente. Esey kiermen cu riba concepto di ley cu lo bay tin nan lo por wak esaki y duna nan conseho riba esaki.

Esaki ta un procedura cu normalmente ora cu bin cu iniciativa, ta atende asina y muy en particular cu un ley manera esun di ombudsman y kinderombudsman, ta importante pa e instancianan wak nan mes den dje y sinti cu nan por traha cun'e. E punto no ta solamente pa pasa un ley pero pa cumpli cun'e tambe y pa percura pa den practica pa e funciona,

Lopez-Tromp a comenta.

KICO TA UN OMBUDSMAN

Un ombudsman normalmente ta wordo nombra pa gobierno of pa parlamento cu un grado significativo di independencia, kende ta encarga cu representa e interesnan di publico dor di investiga y adresa kehonan di mal administracion of violacion di derechonan. Den algun pais un Inspector General, Abogado di Pueblo of otro oficial por tin tareanan similar na personanan di un ombudsman nacional y tambe por wordo nombra pa e poder legislativo.

Bao di e nivel nacional, un ombudsman por wordo nombra, of hasta traha pa un corporacion manera proveedor di utilidad of pa un NGO entre otro.

Sea cu e ta wordo nombra pa medio di un Ley, e ehecutivo of un organisacion (of menos frecuente, eligi pa constitucion cu e ta sirbi), e trabonan tipico di un ombudsman ta pa investiga kehonan y purba di resolve nan, normalmente dor di recomendacionnan haci of intermedia. Ombudsman tin biaha tambe tin e medio pa identifica problemanan sistematico cu ta conduci na mal servicio of falta di cumplimiento di derechonan civil. Riba nivel nacional, mayoria ombudsman tin e mandato amplio pa trata cu henter e sector publico y

tin biaha tambe ta elemento di e sector priva. Den algun caso, tin un mandato mas restringi, por ehempel cu sectornan particular di sociedad. Desaroyonan mas reciente a inclui e creacion di Ombudsman specialisa pa mucha y agencianan di informacion. Den algun hurisdiccion un ombudsman encarga cu e maneho di preocupacion riba gobierno nacional ta wordo referi mas formalmente como e "Comision parlamentario". Den hopi pais caminda e disposicion di e ombudsman ta extende mas leu cu maneho di mal administracion pa promove y proteha derechonan humano, e ombudsman ta wordo reconoci como e institucion nacional di derechonan humano. E posicion di e ombudsman a wordo institui na final di siglo 20 pa mayoria gobierno y pa algun organisacionnan enter gubernamental manera Union Europeo.

Dunando un keho na un ombudsman normalmente ta gratis.

DEN POLITICA

En general, un ombudsman ta un oficial di estado nombra pa provee un chequeo riba actividad di gobierno na interes di e ciudadanonan y pa supervisa e investigacion di kehonan di actividadnan inapropia di gobierno contra e ciudadano.

Si e ombudsman haya cu un keho ta substancial, e problema por wordo rectifica of e rapport di un ombudsman ta wordo publica haciendo recomendacionnan pa cambio. Fuera di esey ta depende riba e leyman di e pais ta concerni, pero ta envolbe tipicamente compensacion financiero.

Ombudsman den otro paisnan no tin e poder pa legalmente inicia proceduranan a base di un keho.


E papel aki tin biaha ta wordo referi como un papel "tributario" y tradicionalmente a wordo yena pa representantenan eligi – e termino ta referi na e frase antiguo di Roma "tribunal di e plebeyo" (tribuni plebis), di kende e papel ta pa intermedia den e proceso politico den nomber di ciudadanonan comun.

Continua riba pagina A6

Turista ta haya ataca di curason y ta fayece

PALM BEACH -- Diaranson marduga presencia di Ambulance tabata solicita na Occidental Grand Aruba Hotel pa un turista di riba 50 aña cu tabata hayando un ataca di curason. E mes un momento tabatin un supuesto alarma di candela den un di e cambernan tambe di e Hotel y presencia di polis tambe a wordo solicita. Ora patruya di Noord a yega na e sitio, nan a haya nan ta yuda personal di Ambulance cu CPR pa purba reanima e turista femenino di riba 50 aña cu tabatin solamente 1

dia na Aruba kende a haya complicacion. Na yegada di ambos personal ya e color di e turista a cambia bastante. Nan a haci lo maximo pa trata na reanima e turista pero tur intento tabata envano. E turista no a sobrevivir di e impacto di e ataca di curason y ta fayece den camber di Hotel den presencia di su famia. E famia a drenta den un panico y aki a pidi presencia di personal di Departamento di ayudo na victima pa papia cu e famia pa consola nan den e momento dificil. Dokter Lin a constata morto. □



Nos hendenan tambe mester wordo involucra y educa

ORANJESTAD – Segun Ruthline Croes-Henriquez di sindicato S.I.W.A. cu ta representa empleadonan di W.E.B. Aruba N.V., tur e tecnologia nobo cu proyectonan na caminda, pa trece un Aruba dirigi riba energia sostenibel, empleadonan existente tambe mester wordo involucra y tambe mester wordo educa. Segun Croes-Henriquez, S.I.W.A. ta pro pa cu e vision di un Aruba dirigi riba energia sostenibel pero nan ta

mantene un postura di observacion. Hunto cu directiva, nan ta intercambia idea en bista di tur e proyectonan cu ta na caminda. S.I.W.A., sinembargo semper ta vigila pa tur e tecnologia nobo cu ta wordo introduci pa un Aruba sostenibel, no trece cun'e cu trahadonan ta perde trabou. “Pero cu tur e tecnologia nobo nos hendenan tambe wordo involucra y tambe pa nan wordo educa”, segun Croes-Henriquez. □

Proposicion pa paisnan Caribense den reino haya nan propio paspoort Hulandes

ORANJESTAD – Parlamentario André Bosman di partido Hulandes Volkspartij voor Vrijheid en Democratie (VVD), ta propone pa residentenan di Aruba, Corsou y St. Maarten haya un paspoort Hulandes modifica. Parti pafo di e paspoort mester ta mas cla, por ehempel, por medio di e color di e paspoort, for di cua pais den reino e doño di e paspoort ta bin. Bosman a presenta e proposicion aki den Tweede Kamer, diaranson. Locual Bosman kier logra cu esaki ta, cu e persona ta keda inmediatamente identifica si e persona ta di Aruba, Corsou of St. Maarten cu ta paisnan independiente den reino. E proposicion aki ta cana completamente

contra di e ley existente y ta hole na discriminacion. E ley ta pone condicionnan mas estricto pa ciudadanonan estableci den e tres islanan den reino. Corsou por ehempel, lo por haya un ‘kaft’ color blauw scur, na luga di cora kima. Aruba por haya un paspoort blauw cla mescos cu nos bandera. “E color di nan paspoort mester ta reconocibel”, segun Bosman. “Ya cu e tres paisnan aki kier mantene e paspoort Hulandes, e ta un motibo pa un debate riba nan propio identidad cu e paisnan Caribense di reino ta pidiendo”, Bosman a bisa. E paspoort cu e ta proponiendo tin e mesun derechonan cu e paspoort Hulandes. □



BON DIA Aruba

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #1330772

Sub-Gerente General

Jaime Mata

Sub-Gerente Editorial

Dionne Fradl-Jie Sam Foek

Redaccion

Jenisse Thiel
Lia de Cuba
Margarita Els
Maritza Tromp-Lacle

Redactor Deportivo

Nathalie Winterdaal

Colaborador

Oscar Vidal
Seever Krozendijk

International

Mariano Heyden

Fotografo

Dino Tromp

Ejecutivo de Benta

Marijke Croes-Luidens
Mark Gomes

Diseño Grafico

Michael Arendsz

Aviso y Arte

Sandra Loefstop
(Hefe di reservacion)
Gladis Palomino Silva
Lando Rafael
Robert Cortez

Administracion y Distribucion

Mariette Engelhart
Martha Arteta de Ariza
Jenny Lobbrecht - Kelly

Colleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Yair Gambin
Francis Dirks
Martin Boekhoudt

Agenda di Noticia

Associated Press

New York Press

Afilacion

Sociedad Interamerica
di Prensa (SIP)

DIRECCION

Weststraat #22

Tel: 582-7800 / Fax: 582-7044
email: noticia@bondia.com

BON DIA ARUBA

Ta un Corant redacta y imprimi na
Aruba y ta obtenibel di Dialuna te
cu Diasabra. Ningun contenido
por wordo reproduci sin permiso
di Editor. www.bondia.com

E problema di promocion no ta sinta na KIA



ORANJESTAD – E cuestion di promocion y posicion huridico di e empleadonan di KIA (Instituto Coreccional) ya pa basta tempo ta andando y a yega dado momento cu e trahadonan na KIA a cuminsa bolter huma, cu a yega na un extremo cu nan ta cla pa bay den accion.

Pa esaki, sindicato TOPA a reuni cu gerencia di KIA ayera, caminda a presenta varios factor. Segun presidente di TOPA, Sr. René Bernabela a comenta na BON DIA ARUBA, tur esaki tin cu bisa ta bin abao riba locual ta e departamento di recurso humano, caminda gerencia di KIA a duna di conoce na sindicato TOPA cu e problema no ta sinta den e gerencia di KIA.

VARIOS PUNTO

E puntonan di discusion cu a trece dilanti ta e posicion huridico como tambe e infraestructura di KIA, cu actualmente ta den un situacion decadente, pero a toca tema principal riba e problemanan cu tin cu e trahadonan, kendenan tin hopi aña ta wardando pa nan promocion, cu ainda no ta mira luz di dia.

DESCRIPCION

Segun Bernabela, durante e reunion cu gerencia, consistiendo di Sr. Fred Wijnenberg, Sra. Jenny Loefstop, kende ta encarga cu e departamento di asuntonan di per-

tur e documentonan na Departamento di Recurso Humano pa wordo analisa, pero pa un of otro motibo, ora di haci un follow up, no ta haya feedback di con leu e procedura ta y cuanto persona ta logra saca for di departamento humano cu nan landsbesluit ta bay direccion gobernador pa despues wordo entrega na doño di culpa. Banda di locual ta e problema di e landsbesluit, hopi biaha ta haya e factor caminda recurso humano pa un of otro motibo, sabiendo cu sa hopi biaha por haci erornan, hopi di e landsbesluit ta bay gobernador cu fout den nan, cu en cambio gobernador ta manda esaki bek pa coreccion pa departamento di recurso humano y asina ta sigui cu e procedura cu ta dura practicamente 4 pa 5 aña. Tin biaha masha hopi tempo prome cu e empleado publico ricibi su landsbesluit.

WARDAMENTO PA PLACA

Di un otro banda, manera por wak e situacion financiero di pais Aruba ta na e momen-

mas furioso, mirando cu ya caba nan tin basta aña ta warda. Esey ta haci e ora cu sindicato TOPA a duna Sr. Wijnenberg un ultimatum pa asina e por bay traha un oportunidad, pa asina e reuni cu departamento di recurso humano prome y na momento cu nan termina internamente, puzzel uit, coregi y drecha no solamente pa loke ta e parti di bevordering, pero tambe e reorganisacion y estructura tambe di KIA, con esaki ta hinca den otro. Despues di esey nan lo tin cu yama sindicato TOPA acerca y conhuntamente cu departamento di recurso humano, hunto cu gerencia di KIA, den un forma di un triangulo di consulta, lo atende atrobe loke ta tur e personanan cu tin cu haya nan promocion corespondiente, con leu nan a yega y ki dia esaki lo wordo saca manera mester ta.

A PACIGUA

Di parti di e trahadonan mes, sindicato TOPA a purba di calma e trahadonan, muestra nan comprension riba nan frustracion pa loke ta nan



sonal di KIA, a duna TOPA un descripcion y un lista di e personanan cu actualmente ainda no a ricibi nan promocion. Tin cu bisa cu tabata un tiki duro, mirando cu TOPA por a ilustra na Sr. Wijnenberg cu te ki dia mester sigui cu e manera di trato pa e trahadonan di cuidadonan di preso di KIA.

WARDAMENTO PA AÑANAN LARGO

Practicamente si mira bon, tin di e trahadonan ta wardando mas cu 12 aña pa nan ricibi nan landsbesluit. KIA su gerencia a duna di conoce cu hopi biaha nan ta manda

tonan aki, ora cu e empleado publico ricibi su landsbesluit, pa colmo e tin cu bay warda na turno ora cu e tin cu haya e pago cu e mester ricibi. Esaki den hopi ocasion tambe ta cay den un retraso pasobra e departamento di financia di gobierno tin un retraso di pago pa esnan cu tin cu ricibi nan bevordering, cu a ricibi nan landsbesluit caba, pero no a haya e pago hustifica.

TRAHADORNAN FURIOSO

Bernabela a sigui splica BON DIA ARUBA cu esey ta haci e ora cu e trahadonan ta bira

landsbesluit. Na e mesun instante a bisa nan tambe cu mirando cu TOPA sa cu tur nan rason pa e motibo cu nan ta sumamente rabia y caminda nan a duna di conoce cu nan no ta bay warda mucho mas pa haya un contesta di Wijnenberg, kende a laga sa cla y raspa na sindicato TOPA cu si nan mira cu esaki ta bay ta tumando mucho tempo pa loke ta e luna di december cu ta nos dilanti, e ora ey nan lo bay duna un aviso y e ora ey lo por conta e ora cu nan lo bay wak kico ta e siguiente paso cu tin cu bay wordo tuma. □

Dispensacion pa calacuna 'Popcorn' y 'Caramel'

WASHINGTON/ORANJESTAD— “Cu mi poder total mi ta scapa Popcorn completamente di un futuro di reyno y saus di cranberry”. Cu e palabranan aki e president di Merca Barack Obama a duna e calacuna Popcorn dispensacion di wordo cushina, esaki a tuma luga diaranson. Ta un tradicion cu ta tuma luga tur anochi prome cu Dia di Gracia. Calacuna ta e cuminda tradicional di e famia Americano durante e fiesta di bisa danki. Popcorn ta scapa di wordo mata y e ta bira Calacuna Nacional di Dia di Gracia. E titulo aki el a obtene danki na e Americano cu a vota pe via e medionan social. E otro candidato Caramel, tambe ta keda na bida. “E la cuminsa caba cu recauda fondo pa su siguiente campaña,” Obama a bisa.

Segun e presidente Popcorn ta demostra cu “hasta un calacuna cu un nomber straño por konkista un puesto den politica”. E presidente a sigui bisa cu presidencia ta e posicion mas fuerte na mundo, cu ta bin cu hopi cos fantastico y cu responsabilidad hopi pisa. “Esaki no ta ningun di nan”.

CELEBRACION NA ARUBA

Na Aruba Dia di Gracia tambe ta wordo celebra pa e comunidad Mericano, residencia akinan como tambe algun famia Arubiano cu a adopta e festividad aki. Esaki naturalmente pa duna danki na loke uno a haci na otro. Principalmente pa gradici nos Creador. Danki Dios pa nos bida y tur cos cu a wordo crea pa yuda nos keda na bida. Dia di accion di gracia, no solamente ta wordo celebra na Merca, pero na Canada tambe, pero bao di un otro fecha. Esaki tin su origen den un mescla di tradicion Europeo y Indigena. Na Europa e festival ta tuma luga prome y despues di e ciclonan di cosecha pa gradici pa un bon cosecha y pa celebra despues e trabao duro en conhuntito cu e resto di comunidad. Pa loke ta e parti Mericano, e tradicion cu debi cu no tabata tin suficiente cuminda pa alimenta 102 habitante di

Plymouth, e nativonan di e tribu Wampanoag a yuda e peregrinonan dor di duna simia y siña nan pisca. Na tur esnan cu ta celebra Dia di Gracia, BON DIA ARUBA ta extende un “Happy Thanksgiving”. □



“Bin celebra hunto cu nos”

E apertura di nos sucursal nobo na Hato

Fecha: Diasabra, 30 di November 2013
Orario: 6.00pm – 9.00pm
Lugar: Hato Branch / banda di ELMAR

Lo tin animacion di Katatumbito, Rincon Boyz y Nutzbeatz.

Tambe lo tin entretenimento pa nos muchanan y nos lo cende luz di nos rotonde.

Nos ta warda bo!

**Continuacion di
pagina A2**

E bentaha mayor di un ombudsman ta cu e ta analisa kehonan pafo di e institucion estatal, pues evitando e conflicto di interes inherente den auto vigilancia. Sinembargo, e sistema di ombudsman ta depende grandemente riba e seleccion di un individuo apropia pa e funcion y riba e cooperacion di un oficial efectivo for di dentro e aparato di estado.

DEN ORGANISACION
Hopi compania priva, universidad, organisacionnan sin fin di lucro y agencianan di gobierno tambe tin un ombudsman pa sirbi empleadonan interno y gerentenan y/of otro contribuyentenan. E papel di e ombudsman den e caso aki ta pa structura pa funciona independientemente, dor di reporta na e hunta directiva of CEO y di acuerdo cu e Asociacion Internacional di Ombudsman, nan no tin otro papel mas den e organisacion. Ombudsman organisacionnan hopi biaha ta ricibi mas keho cu proceduranan alternativo manera hotline anonimo. Desde 1960, e profesion a aumenta na Merca y Canada, particularmente den corporacion, universidad y agenci-

anan di gobierno.

E ombudsman den un organisacion ta traha como un partido neutral, uno kende tin un posicion halto den un organisacion, pero kende no ta forma parti di maneho ehecutivo.

Uzando un resolucio di discusion alternativo of un acercamento apropia pa resolucio di e discusion, un ombudsman den un organizacion por provee opcion na empleado y gerentenan cu preocupacionnan etico: proveyendo entrenamiento, aplica diplomacia, soluciona problemanan generico (nificando un solucio cu ta proteha e identidad di un individuo dor di aplica esaki na e clase di hende, na luga di simplemente un solo individuo) y intermediacion, studia areanan problematico y haci recomendacionnan pa cambianan di politica of procedura den sosten di un cambio ordena den sistema.

KICO TA UN KINDEROMBUDSMAN
Nacionnan Uni a prepara un tratado cu referencia na derechonan di mucha na 1989. Esaki a wordo yama e Tratado di Derechonan di Mucha. Hulanda a firma e tratado aki, hunto cu casi tur pais na mundo. Den e tratado aki, cu ta consisti di 54 articulo, ta describi e derechonan di mucha. Casi tur aspecto di bida

pa mucha ta bin na remarcu aki.

Aki ta sigui un seleccion di e derechonan mas importante cu durante e tratado a wordo decreta.

**DERECHO RIBA
PARTICIPACION**

Tur mucha tin derecho di duna nan opinion riba tur asunto cu tin di haber cu mucha. Gobierno tin cu percura cu mucha por expresa nan opinion y pa nan wordo scucha. Esaki tambe ta conta pa proceduranan hudicial y administrativo.

**DERECHO RIBA
ENSEÑANZA**

Tur mucha tin derecho riba enseñanza. Muchanan mester por asisti na un scol basico por nada. Gobierno mester percura cu enseñanza avansa y di ofishi ta disponibel pa tur mucha, di acuerdo cu su nivel di enseñanza.

**DERECHO PA
PROTECCION
CONTRA MALTRATO
Y VIOLENCIA**

Tur mucha tin derecho di proteccion contra tur tipo di maltrato fisico y mental y negligencia, tanto dentro di famia of pafo. Gobierno mester tuma medidanan di prevencion y señala esaki y percura pa cuidu y tratamiento.

DERECHO RIBA**PROTECCION
CONTRA
DISCRIMINACION**

Tur derecho ta conta pa tur mucha. No ta importa ki colo, religion, sexo, handicap of preferencia sexual. Gobierno mester percura pa e muchanan wordo proteha contra discriminacion y mester haci su best pa percura pa e muchanan haci uzo di nan derecho.

**DERECHO RIBA NAN
PROPIO CREENCIA**

Tur mucha tin derecho riba nan propio creencia. No ta importa si ta catolico, Islamita, protestant, hudiu of ateista.

**DERECHO RIBA
IDENTIDAD**

Tur mucha tin derecho pa mantene su propio identidad. Esey ta conta pa nacionalidad, fam y lasonan familiar.

**DERECHO RIBA
CUIDO**

Tur mucha tin derecho riba e miho cuidu posibel. Esey no ta bay solamente pa cuidu corporal, pero tambe ayudo psikico. Gobierno lo tin cu percura pa ningun mucha wordo nenga pa ricibi cuidu.

**DERECHO RIBA
INFORMACION**

Cada mucha tin derecho riba informacion riba asuntonan cu tin di haber cu su bida. Riba e reglanan di scol por ehempel of loke lo por pasa si su mayornan divorcia.

**DERECHO RIBA
PRIVACIDAD**

Cada mucha tin derecho riba privacidad. Pa mayornan, e derecho aki ta nifica cu nan

no mag di lesa corespondencia of diario di nan yiunan. Gobierno ta proteha e mucha contra intermediacion den su bida priva y di famia, cas of post y ta respeta nan honor y bon number.

**DERECHO RIBA
ALIMENTO Y
VIVIENDA**

Cada mucha tin derecho riba un standard di bida cu ta suficiente pa su desaroyo fisico, mental, intelectual, moral y social. Mayornan na prome instante mester percura pa e mucha haya amor, cuidu y bon alimento, un cama pa nan drumi den dje, paña pa bisti.

Den corto, tur loke muchanan tin mester pa por crece bon. Gobierno mester yuda mayornan cu sosten.

**DERECHO PA CRECE
CERCA MAYORNAN**

Muchanan mester por biba y crece cerca nan mayornan. Si esaki no ta posibel, en todo caso e mucha mester por mantene contacto cu su mayornan. Esaki si ta na beneficio di e mucha mes.

**DERECHO RIBA UN
ABOGADO**

Tur mucha tin derecho di abogado si e wordo sospecha di un delito. E abogado por papia den e prome interrogacion y mester wordo permiti pa ta presente durante interrogacion. E abogado por conseha y tira un bista cu tur derechonan di mucha wordo respeta pa polis y pa Ministerio Publico.

Si e caso aki wordo atendi pa hues, esaki tambe mester tene cuenta cu e derechonan ya menciona. □



Xavier University Aruba ta ofrese e curso

English as Second Language (ESL)

E meta di e curso ta pa sinjabo comunica efectivamente den e idioma di ingles y sinja e habilidad di skirbi y lesa e idioma na un nivel halto y risibi un certificado reconoci rond mundo. E curso lo wordo duna door di profesornan certifica for di merca.

Fecha: Januari 2014
Duracion: 12 of 24 siman (nivel principiante y avansa)
Lugar: Xavier University Aruba
Orario: 6:00pm-8:00pm (3 bes pa siman)

Aplica awor !!! Pa mas informashon:

Website www.xusom.com
Oficina Santa Helenastraat # 23
Tel: 588-7766
Email lkoolman@xusom.com

**Tarifa di transporte cu taxi pa
bay of bin di Ritz Carlton Hotel**

ORANJESTAD -- Ultimo dlanan a sinti cu tin un falta di claridad pa loke ta trata e tarifa di taxi pa of for di hotel Ritz Carlton y pa remedia esaki gobierno, por medio di su Departamento Transporte Publico, ta trece lo siguiente pa dilanti.

Ritz Carlton Hotel a cuminsa opera oficialmente diasabra ultimo y ta avisa pueblo di Aruba en general cu e prijs cu e taxistanan mester cobra pa un trip for di Ritz Carlton Hotel of pa dicho hotel, ta keda igual cu otro tripnan pa hotelnan stipula den e lista di tarifanan pa taxistanan como "High Rise Hotels".

Esaki mirando e hecho cu dicho hotel tin como adres: L.G.Smith Boulevard 107, Palm Beach y mester considera cu e hotel aki ta keda den area di "High Rise Hotels" y no ta cay bao di adresnan manera Malmok. Cu otro palabra, ta keda mantene e tarifa cu ta stipula den e lista di prijs mescos cu e otro "High Rise Hotels".

Ta pidi pueblo di Aruba, turistanan y taxistanan pa tene bon cuenta cu esaki. □

Abattoir ta cla pa matansa di bestia pa fin di aña




ORANJESTAD – Segun Keurmeester Rodney Bareño na Abattoir, durante e ultimo tempo nan por a tuma nota cu tin basta hende cu a cuminsa cria bestia y particularmente tin interes den hendenan hoben. Bareño ta remarca cu sinembargo, e luna di December ta drentando y cu esaki ta un temporada bastante druk, ora ta bini na mata e bestia.

Na cuminsamento di December Abattoir, ta cuminsa cu matamento di bestia full dia for di dialuna te cu diahuebs. Y e ultimo dia pa mata bestia ta diamars 17 di December.

Bareño ta remarca cu tur animal cu bin ta wordo examina prome pa wak si nan ta bon di salud of si nan ta malo. Si

tin un bestia cu ta malo of tin un defecto nan ta bisa e doño cu nan no por brinda e servicio y nan tin cu bay bek cu nan bestia. “Pero unabes cu nan wordo aproba, nan wordo mata y na final e carni ta wordo aproba un biaha mas y e ora e cliente por bay cun’e. “Semper nos ta pidi si pa bin cu saco di plastic limpi of ‘ice jug’ limpi. Preferibel ‘ice jug’ pa tene e carni fresco y friu”, Bareño a bisa. Di parti di Abattoir, Bareño ta pidi clientenan pa tin pasenshi pasobra personal tin pero no tin suficiente matado. “E hendenan tin cu warda un tiki y nos ta pidi pasenshi”. Costo pa cada cabrito of carne e doño mester calcula cu esaki lo costa entre 15 pa 20 florin pa aproba y pa e matansa. □



E premio *magico di Pasco*

Hyatt Regency Casino ta serando aña cu *un campaña* pa su miembronan di PLAYERS ADVANTAGE CLUB® cu un rifa MAGICO.

E campaña di Pasco lo tin un total di **Awg. 35.000** na premio efectivo y hopi doorprizes.

Pa cada 50 punto acumula, ta ricibi un ticket pa participa den e rifa.

Hyatt Regency Casino su rifa lo tuma luga
Diasabra, December 21, 2013 pa 8:00 PM.

*Porfabor acudi na nos Player's Advantage Club, pa informa cu bo lo ta presente dia di e promocion cu ID valido y su respectivo carchi di miembro. Gerencia ta reserva e derecho pa cambia of cancela e campaña aki na cualkier momento.



HOLIDAY SPECIALS!

**Oferta ta valido
riba nos
horario normal:
9:00am - 6:00pm**

The Stars

hair styling

by Georgie

Hair & Makeup

**Short Hair Awg 90,-
Med. Hair Awg 100,-
Long Hair Awg 110,-**

CALL 582-0600 or 582-0002
Dominicanessenstraat #18

Fundacion Chris De Hoop di Hulanda entrenando 25 hende pa carga e programa Paga tino

ORANJESTAD -- For di Hulanda a bin tres persona cu ta representa e fundacion Chris de Hoop. Nan bishita riba nos isla ta pa entrena mas o menos 25 hende pa conhuntamente carga e programa Paga tino. E 25 hende cu lo haya e training ta hende for di e departamento di Salubridad Publico. Nos ta papia aki di dokter, nurse, personal di maneho pa tin mas hende den e area di cuido, prevencion y adiccion pa asina nan tambe cera conoci cu e programa nobo aki pa Aruba. Ta intencion pa nos ta miho ekipa riba e tereno di droga y alcohol pa aki cinco of dies aña, nos muchanan ta

miho prepara pa cu e prevencion di adiccion.

ENCUENTRO MINISTER

Diaranson mainta representante di Chris y De Hoop tabata cerca Minister di Verslavings Zorg, sr. Arthur Dowers. Sra. Wietske Noordzij ta e gerente general di Chris de Hoop. Chris ta parti di e Fundacion Family Care. Sra. Noordzij a tene un combersacion cu Minister di Verslavings Zorg tocante e proyecto yama, Paga tino.

AYUDO FUNDACION CHRIS

Un proyecto, cu ta wordo



coordina door di Fundacion Anti Droga Aruba (FADA) y ta haya guia y ayudo for di fundacion Chris. E programa

aki Paga tino a wordo desaroya na Hulanda y ta funcionando na varios pais. Entre otro Corsou, Belgica y na

Hulanda mes. Na Hulanda e ta hiba e nomber di LEF.

CARACTER DI E HOBEN

E programa di Aruba ta un tiki otro ya cu el a wordo traduci y a tene cuenta cu e idioma y cultura di Aruba, tambe e forma con a implementa e programa aki na Aruba ta diferencia di e otro paisnan. Un programa hopi profesional hinca den otro. E intencion y meta di e programa Paga tino ta pa cambia e caracter di e hoben di entre diesun pa binti aña di edad. Hunto cu e fundacion De Hoop di Hulanda lo elabora riba e plannan pa combati adiccion. □

Contrato cu Schiphol Group lo wordo renoba

ORANJESTAD -- Diaranson durante henter Minster Otmar Oduber a reuni cu Aruba Airport Authority (AAA) caminda a papia riba diferente tema y un di nan tabata e relacion cu Schiphol Group. Combersacionnan for di siman pasa caba ora e tabata na Hulanda y aki a combersa cu ehecutivonan halto di Schiphol.

E combersacion tabata a base di contrato cu lo mester renoba na luna di december e aña aki cu e grupo aki.

TRIPLE A

Minister Oduber a indica cu a reuni diaranson cu Hunta di Comisario y gerencia di

aeropuerto di Aruba y esaki ta un momento ideal no solamente debi na e renobacion di e relacion cu Schiphol, pero tambe mirando cu a crea un apertura nobo pa aeropuerto pa loke ta trata su financiamiento, caminda na e momentonan aki tin un 'short term loan' cu ta wordo haci pa un suma di mas o menos di 50 miyon Florin y despues crea un 'long term loan' pa e proximo 7, 8 of 10 aña nos dilanti.

CANTIDAD DI PASAHERO

A discuti riba e plannan te cu aña 2020, den e caso aki pa tin mas capacidad di pasahero na aeropuerto. Awor aeropuerto tin e capacidad ta carga 2.1



miyon pasahero y mester cuminsa pensa e futuro stap pa por atende riba 3 miyon pasahero. Esey ta significa cu un inversion tin cu tuma luga. Actualmente tin trabounan grandi den un area adicional pa dos avion por para y un pais nobo, pasobra tin un demanda pa Aruba y nos tin cu prepara nos mes suficiente bon pa por absorbe e demanda.

CONDICION NOBO

E decision a cay pa sigui traha cu Schiphol, pasobra aeropuerto a conoce un desaroyo sumamente positivo. Schiphol a demostra di por a conduci un aeropuerto hopi

sano y e relacion tin di continua cun'e, naturalmente e circunstancianan ta diferente, contrario di loke nan tabata anteriormente. "Awor nos tin un aeropuerto hopi mas rendabel, tin un capacidad mas halto, kieren tin condicionnan nobo.

Anteriormente e condicion di e prestamo tabata otro, manera e interes tabata mara na dje y tabata hopi estricto. Awor aki ta evalua nan y nos ta den e proceso aki y mester sigui nan hopi di cerca. Mester haci estudionan pa e proximo 10 añanan pa aeropuerto por sigui crece". □



SETAR cu cambio di orario diabierna proximo.

SETAR ta informa cu pa motibo di un actividad pa empleado, orario di tur Teleshop y SETAR Store pa diabierna dia 29 di November 2013 ta di:

8:00 am pa 4:30 pm

y Oficina Principal na Seroe Blanco pa diabierna dia 29 di November 2013 ta:

7:45 am pa 4:00 pm

Nos ta pidi pa tene cuenta cu esaki pa preveni cualkier inconveniencia.

Hues lo dicidi si homber ta culpabel di a haci actonan immoral cu su yiu di crianza

ORANJESTAD - E homber R. acusa di cu entre dia 1 di januari 2007 pa dia 31 di december 2009 a haci actonan immoral cu su yiu mucha muhe di crianza, ta para riba cu nunca el a mishi cu e mucha y cu tur e asunto aki ta un set up di e mama di e mucha. Ademá di e acusacion di immoralidad, Fiscal ta acusa R. di a maltrata e mucha cu un hanger di paña y of tene su mannan.

ABUSO DI MUCHA

Algun siman pasa e tratamiento a tuma luga caminda Hues a puntra R. si ta berdad cu el a mishi cu su yiu di crianza. R. a desmenti. R. a bisa Hues cu si ta asina, con por ta cu e aña despues el a casa cu e mama di e mucha. Hues a remarca cu no ta solamente e señora sino tambe e mucha a declara contra R. R. a bisa cu aparentemente e señora kier a bay cu e otro amigo. R. a bisa Hues cu e no por duna e señora regalo manera e otro tabata ofrece. Hues a bisa cu e señora a declara cu el a sorprende R. ta mishi cu e mucha. R. a bisa Hues cu loke e señora a bisa no ta cuadra. R. a remarca, con e señora por ta pafo y mira kico tabata pasando paden siendo cu esey no por. Hues a bisa cu e señora a declara na Polis cu el a lubida placa na cas y ora el a bay bek, el a haya R. den camber cu e mucha y R. tabata frega cu su man na e mucha su parti intimo. R. tabata sacudi cabes den corte y a bisa cu esey no ta berdad. Hues a bisa cu e mucha mes a declara cu su mama a drenta camber net ora R. tabata frega man na su parti intimo. Segun R. e problema tabata cu cada pasa 14 dia, Polis mester bin na cas pa motibo di placa. Cada bes cu e tin cu cobra, ta presenta problema. R. a bisa Hues cu constantemente e señora tabata kier placa di dje y e no por. El a sigui bisa cu ningun di e portanan di camber tin slot. Hues a bisa cu e yiu homber tambe a declara cu R. a mand'e sali for di camber y despues el a scucha su ruman muhe ta grita. R. ta para riba cu no ta asina. R. a admiti di sa pasa e muchanan un faha pero no cu un hanger di colga paña. Hues a mostr'e un potret di e mucha maltrata. Segun R. ta prome biaha cu e ta mira e potret aki. R. a bisa Hues cu ta e mama mes a maltrata e mucha. El a bisa cu e mes a

yama Polis pa e mama cu kier a maltrata e mucha cu un palo di basora. Segun R. tempo e tabata mucha e tabata haya sota cu faha. El a bisa Hues cu ta normal di sota cu faha pero a desmenti cu ta suta cu e hespo di faha. El a splica cu e tabata suta pasobra e muchanan ora cu nan no kier tende y no kier siña na school. R. a splica un problema cu su señora. El a duna e señora placa pa paga awa y coriente y e señora no

a bay paga. E ora ey el a pone slot riba cranchi. E momento ey e señora a dal'e cu palo di basora y hespo di faha. E momento ey R. a defende su mes y a bisa su yiu pa yama Polis. El a remarca na Hues cu e no ta bay laga e muhe keda maltrat'e y a defende su mes. El a desmenti di a dal e mucha muhe. El a desmenti categoricamente di a masturba dilanti di e mucha muhe manera e mucha ta pretende.

Hues a puntr'e si e ta sinti'e atrae pa mucha muhe, el a desmenti esaki. Segun R., cada bes e señora tabata kier mas placa y no por sigui asina. R. a bisa Hues cu desde 2009 e no por haya trabou door di e caso aki cu ta pendiente. Cada bes cu e tin cu yena aplicacion, e mester pone cu e tabata cera y esey ta causa cu e no ta haya trabou. El a bisa Hues cu actualmente nan ta den divorcio. Actualmente e

ta bibando di trabounan aki aya cu e ta haya.

EXIGENCIA DI FISCAL

Fiscal a bisa Hues cu den casonan di immoralidad ta hopi dificil pa presenta prueba. Hopi biaha mester recorri na pruebanan di sosten pasobra solamente tin declaracion di e victima.

Continúa riba pagina A10

Extended till 30 November 2013

Ford
Go Further

Winter Wonder Sales

It's 'Winter Wonder Sales' at R.E. Yrausquin & Sons

Every buyer of one of these models can choose from a huge pile of gift boxes, filled with wonderful gifts, such as a weekend stay at the Radisson, a brunch or dinner for two, a massage, free regular service or gas vouchers.

Special Financing Deals on new and pre-owned vehicles by CMB N.V.

Up to AWG. 7,000 discount on select models

WHEN BUYING A CAR **THINK RATIONAL** BUT **CHOOSE WITH YOUR HEART**

CMB
CARIBBEAN MERCANTILE BANK N.V.

PASSION for CARS

R. E. Yrausquin & Sons

R.E. Yrausquin & Sons (Aruba) N.V. | L.G. Smith Boulevard 112 | Oranjestad, Aruba | Tel: (297) 524 4444 | Fax: (297) 582 6661 | Website: www.reysonson.com | Email: info@reysonson.com

Caso di abuso sexual contra mucha special den Corte

ORANJESTAD - E caso penal contra e homber H. (67) lo bay tuma luga mañan mainta den Corte.

Anterior e caso aki a wordo posponi diferente biaha. Esaki riba insistencia di abogado mr. Crouch cu a para riba cu e kier un rapport medico pa determina su realmente e sospechoso lo tin problema. Door cu e rapport medico no a keda cla, cada biaha e caso tabata wordo posponi.

ABUSO DI MUCHA SPECIAL

E acusacion contra H. ta cu e lo a haci abuso sexual cu un mucha muhe special den e periodo di 6 juli 2011 pa 24 februari 2013. Abogado mr. Crouch a bisa Hues cu el a manda diferente carta na tanto Hues Comisario como Ministerio Publico pa pidi pa haci mas investigacion dor cu e sospechoso lo tin problema pa tene relacion sexual. E abogado mr. Crouch a bisa

Hues cu el a manda carta pa laga un ginecologo haci mas investigacion pero no a tende nada di esaki. Fiscal a bisa cu e no sa di nada.

Abogado a muestra Hues e faxnan cu a wordo manda y a resulta cu Hues ta dispone di esakinan.

Mr. Crouch a bisa Hues cu e ta haya cu e investigacion medico ta sumamente importante pa determina si e sospechoso por a comete e delito cu e ta wordo acusa di dje

of no. E abogado a bisa Hues cu e señora di e sospechoso a papia cu Hues Comisario y a splica e problema di e sospechoso.

E ultimo biaha cu e sospechoso a presenta den Corte tabata luna pasa. Dor cu e rapport medico ainda no tabata cla, Hues a dicidi di bolbe pospone e caso. A keda palabra cu mañan mainta lo bay trata e caso y cu lo percura pa e rapport medico ta cla. Manera ariba ya mencio-

na, e abogado mr. Crouch ta haya sumamente importante e rapport medico ya cu esaki ta determinante pa cu e caso penal. Anterior abogado mr. Crouch a pidi pa laga e sospechoso liber y esaki a wordo rechasa.

Hues e biaha aki a bisa cu e sospechoso ta keda encarcela te dia di e caso. Mañan mainta Bon Dia Aruba lo cubri e caso y lo informa nos lectornan di tur loke ta sosode den Corte. □

Continuacion di pagina A9

Na opinion di Fiscal, e mucha mes a declara cu R. tabata mishi cu su parti intimo. Ademá e mama a bisa cu el a yega cas y a mira R. ta mishi cu su yiu. Tambe e mucha ta bisa cu na 2009 tambe R. a mishi cun'e. Na e ocasion ey e mama no tabata t'ey y R. a manda e ruman homber pafó di camber y a mishi na su parti intimo di e mucha muhe. E mucha a cum-

insa grita y yama su ruman homber pa bin den camber. Fiscal a bisa cu e yiu homber a confirma cu el a wordo gedal door di su tata pasobra e no kier a bay for di e camber. El a scucha su ruman grita y ora el a bay na e camber, el a haya R. sinta banda di su ruman muhe riba un sofa.

Fiscal a bisa Hues cu tambe e ta haya proba cu R. a maltrata e mucha muhe cu un hanger di colga paña.

E mama tambe tabata tin un wowo blauw. Fiscal a bisa Hues cu e no ta kere storia

di R. El a bisa Hues cu e ta haya e casonan hopi serio. El a bisa R. cu e no por dal su yiu unan di e forma aki y mester keda cu su mannan leu for di e muchanan. Pio ainda cu e ta mishi cu su yiu muhe. Fiscal ta haya cu R. mester compronde cu aki ta trata di un caso serio.

El a exige 3 luna, teniendo cuenta cu e tempo a pasa. Di e 3 luna di prizon, 64 dia condicional cu un tempo di prueba di 2 año. Esey ta encera cu R. no mester bay cera mas.

ABOGADO

Abogado mr. Boyce a splica Hues cu na Aruba ta un cultura cu tur hende a haya sota cu faha. E abogado a enfatisa cu e no ta compronde e ponencia di Fiscal cu no por suta cu faha. R. ta para riba cu e no a haci nada. Na opinion di e abogado, tin mucho duda riba declaracion di e mucha mes. El a remarca cu e mama mes a splica mas detaya kico a sosode compara cu e victima. Esaki lo a sosode na 2007 y na 2008 nan ta casa cu otro. Na opinion di e abogado, no por

exclui cu e mucha a wordo influencia pa e mama. E mucha tabata papia solamente di mishi y no ta duna detayenan. E mama ta papia di tene mannan y frega na parti intimo. Na opinion di abogado, Fiscal ta sigui e declaracion di e mama mas. Tur e puntonan aki e abogado a trece padilanti pa muestra cu loke su cliente ta wordo acusa di dje no ta cuadra. Hues a bisa cu e ta bay studia e caso awe tin sentencia. Bon Dia Aruba lo informa lectornan di e decision aki. □

Difícil pa investiga corrupcion, paso niun hende no kier papia



KRALENDIJK -- Ta masha difícil pa husticia investiga e caso di supuesto corrupcion cu ta involvi varios politico na Boneiro, paso tur hende ta mantene un silencio hermetico. Ta pa e motibo aki tambe e investigacion den e caso di Ramonsito Booi y Burney Elhage a dura asina largo.

Esey ta e splicacion cu fiscal Leomar Angela a duna di conoce ayera atardi, durante e prome tratamento di caso Zambezi, un tratamiento pro forma, o sea caminda ta evalua si tecnicamente tur procedura a cana segun regla. Manera ta conoci, Booi y El-

hage (y su señora) mester enfrenta acusacion di corrupcion y actividadnan di labamento di placa y falsificacion di documento.

E caso ta canando pa algun año caba. Segun fiscal Angela, e investigacion aki a resulta un trabou complica e la papia di "monnikenwerk".

Di e forma aki e la defende su mes tambe contra e critica di abogado di e dos politiconan Geert Jan Knoops, cu e caso a dura demasiado. E caso aki a causa hopi daño personal na e sospechosonan. E caso a cuminsa na 2009.

Knoops a cualifica e caso como ilegal, paso for di 2010 Corte di Apelacion a dicidi

cu mester pone un fin na e caso aki.

Pa straño cu por parece, e la bisa e caso a sigui na 2011.

Knoops a bisa cu e no ta spera nada otro di corte cu e ta dicidi di para e caso.

Dia 9 di december awor, corte lo dicta sentencia den e caso, caminda ta dicidi si ta sigui persigui e dos politi-

bou mesa) y lo a comete falsificacion di documento den compra di un pida tereno.

Elhage lo a acepta regalo tambe a cambio di otorgamento di permit y hunto cu su casa lo a comete e fraude pa por haya un hipoteca.

Tur dos a nenga e acusacionnan aki energicamente y a argumenta cu ta contrin-



conan of cu ta stop e caso.

E caso aki ta ampliamente conoci a percura pa masha conmocion riba e isla di Boneiro. Booi aparentemente lo a acepta regalo (cu ta placa

cantenan politico kier causa daño na nan bon nomber y imagen.

Un cos notabel tabata cu e asunto cu Hulanda a scucha e politiconan di Boneiro den

forma secreto, no a bin dilanti ayera durante tratamiento di e caso.

Di acuerdo cu e corant NRC Handelsblad, Algemeen Inlichtingen en Veiligheidsdienst (AIVD), e servicio secreto di Hulanda a spiona politiconan di Boneiro entre 2005 i 2010, cu tabata negoshando cu Hulanda riba e deseo di Boneiro pa bira parti di Hulanda.

Ta trata aki di un operacion ilegal cu a tuma luga den tur secresia, un operacion cu a sconde pa gobierno di Antia di e tempo ey, encabesa pa prome minister Emily de Jongh-Elhage.

E publicacion aki a sali na bispo di tratamiento di e caso contra Ramonsito Booi y Burney Elhage pa actividadnan ilegal cu nan lo a comete. Informacion cu AIVD a acumula riba e isla mes, ta indica cu posiblemente tabatin corrupcion bou di e politiconan di Boneiro y cu mal uzo di poder na gran escala tabata tuma luga.

Aunke abogado Knoops a denuncia for di siman pasa cu posiblemente a comete un acto ilegal aki y cu e ta bay pidi pa investiga esaki, ayera durante tratamiento di e caso e no a menciona niun palabra riba esaki. □

Aruba Triathlon Association & iRun Aruba present:

FINISH
CMB Noord

START 10K
CMB Sta Cruz
6:30AM

FUNWALK 6K
CMB ATM Paradera
7:00AM

START 23K
CMB San Nicolas
5:30AM



**ARUBA
LOOP
2013**

CMB THE PREMIER
RUN & WALK EVENT

DECEMBER 1, 2013

Racers 23K

23K SAN to NRD (>18)

1st: 2,500.00
2nd: 1,750.00
3rd: 1,000.00

Runners + Walkers 10K

10K STC to NRD (>18)

1st: 1,000.00 | 2nd: 500.00 | 3rd: 250.00

10K STC to NRD (<18)

1st: 500.00 | 2nd: 250.00 | 3rd: 125.00

10K STC to NRD Walk (All ages)

1st: 300.00 | 2nd: 250.00 | 3rd: 200.00
4th: 150.00 | 5th: 100.00

Funners 6K

6K PRD to NRD (All ages)

Special prizes and gifts!

**Race Fee Payment & Goodies Bag
Pickup at CMB Noord Branch**

Friday 29 November: 6:00 PM - 9:00 PM

Saturday 30 November: 2:00 PM - 5:00 PM

IMPORTANT:

On these 2 days you can pick up your racing-bib, timing chip, "Arubaloop" shirt and goodies bag.

If you have not paid your racing fee yet, you can also do this on the same dates.

We will have a special bus service to shuttle athletes from the Noord Branch to the various starts

Bus Departure Schedule:

To San Nicolas Branch: 4:20 AM

To Santa Cruz Branch: 5:30 AM

To CMB Paradera ATM: 6:00 AM

Please follow us on facebook.com/cmbnews to stay up to date on any and all information on the the Arubaloop and CMB.

All prizes are in Aruban Florin. Prizes are for each category of female and male participants. Age regulations will apply. The 23K portion event is strictly for competitive runners only. No walkers will be allowed.

Stichting Comision De Vuyst kier informa pueblo cu nan t'ey

ORANJESTAD -- Stichting Comision De Vuyst a tene nos reunion general durante oranan di anochi. Den e reunion aki Stichting Comision De Vuyst a duna informacion di e plannan cu lo bay tin pa cu e bario. Sra. Mana di Youth4Vibes (ATHA) tabata presente y a duna su splicacion di su meta como coordinador di

Ultimo training pa 6 klas di pabou di brug

ORANJESTAD -- Pa medio di e boletin aki drs. Rudolf R. Kelly kier a anuncia cu nan ta organisando pa studiantenan di 6de klas e ultimo training di "REKENEN", cu lo tuma luga na Club Don Bosco na Noord.

E training ta pa tur estudiante di 6de klas di scol basico cu kier bay enseñanza secundario – nivel havo / vwo (Colegio Arubano of Colegio San Nicolas) of nivel MAVO.

E training di "REKENEN" (matematica) lo tin un duracion di 12 ora.

E training "REKENEN" lo tuma luga riba e siguiente fecha:

Fecha	Ora
November 30 (diasabra)	3:00 pm – 6:00 pm
December 6 (diabierna)	3:00 pm – 6:00 pm
December 7 (diasabra)	3:00 pm – 6:00 pm
December 13 (diabierna)	3:00 pm – 6:00 pm

Luga pa duna e training ta na Club Don Bosco den e sala chikito (NOORD), y e trainer lo ta den persona di drs. Rudolf R. Kelly. Pa mas informacion tuma contacto cu drs. Rudolf R. Kelly na: cel 562-2119, tel 585-9774 of e-mail rr_kelly@yahoo.com. □



e Proyecto aki. Lamentablemente Sr Daniel, Director di Cede Aruba no por tabata presente pero a manda mensahe cu Cede Aruba ta 100% pa yuda De Vuyst den su metanan. Tambe e anochi aki oficialmente a wordo introduci e miembro di Directiva nobo di Stichting Comision De Vuyst cu ta como lo siguiente:

Ralph Dinzey: President.
Eroll Mitchell: Vice President & Project Coordinator
Rene Wilson: Secretario & Tesorero.
Mariola Martilia: PR & Actividad Coordinador. Tin informa cu ta di

lamenta cu no tabata tin hopi habitantenan cu a sali pero cu ta contento y conforme cu es nan cu a duna nan interes den Stichting Comision De Vuyst, pero mas importante pa e bario ta pa haya sa kico lo tin den bario den e siguiente lunanan. Stichting Comision De Vuyst ta spera di haya hopi sosten y confiansa den tur otro instancianan pa nos sigui cu e bon trabou.

Si tin instancianan cu lo kier tuma contact cu nos, por haci esaki libremente via nan e-mail: stichting.comision.de.vuyst@hotmail.com of via nos facebook. □

Stichting Katholiek Onderwijs Aruba ta participa na mayornan

ORANJESTAD -- Directiva di Stichting Katholiek Onderwijs Aruba ta participa na mayornan cu lo tene inscripcion pa aña escolar 2014-2015, inscripcion pa scol preparatorio y pa prome klas di scol basico. Scol preparatorio: pa por inscribi na scol preparatorio e alumno mester tin 4 aña prome cu 1 di october 2014. por duna number tambe pa lista di espera di muchanan cu ta haci aña entre 1 di october 2014 te cu 31 di december 2013. Scol basico: pa por inscribi na scol basico prome klas e alumno mester cumpli 6 aña prome cu 1 di october 2014. Kico mester trece den tur caso: e formulario di inscripcion di SKOA, comprobante di

censo afl 5,- adres corecto , un copia di e carent di AZV. SKOA ta participa na mayornan cu nan lo ta bishitando un dia den cada bario di Aruba. asina facilita e mayornan di ta mas cerca nan.

Mayornan por entrega e peticion na un di scolnan cu nos lo uza como centro di inscripcion. cu ta lo siguiente ,pa e distrito di noord lo ta dia 27 di november 2013 na Agnes kleuterschool. pa e distrito di Madiki y Tanki Leendert lo ta 28 di november 2013 na Anglo kleuterschool. Nos kier a pidi mayornan pa tene cuenta cu e inscripcion pa aña escolar 2014-2015 tin dos mas di cual por haci e peticion pa un scol. □

Bingo


1ST PRIZE 3500 AWG
2ND PRIZE 1000 AWG
3RD PRIZE 300 AWG

FECHA DIABIerna 6 DECEMBER 2013
LUGAR CLUB CAIQUETIO
ORA 6'OR POR CUMINSA REGISTRA

PRIJS PA TICKET 10,- AWG
TICKETS OBTENIBEL SERCA TUR CANDIDATONAN

f /MEPofficial
WWW.MEP.AW

mep



ORANJESTAD -- Bruela ta un malesa cu ta wordo considera den nos comunidad como un malesa di mucha, esaki pasobra mayoria biaha e ta afecta mucha. Pero na Aruba tin casonan raporta unda adolescente y adulto tambe a

haya bruela. Bruela ta un malesa viral, esta causa pa un virus, cu ta wordo ocasiona pa e varicella zoster virus y ta un virus cu ta plama masha lihe. E virus ta ocasiona cu diripiente bo ta cuminsa sinti malo cu

Embaraso y Bruela

keintura halto y blaarnan di awa cu ta grawata masha hopi mes. Cerca mucha, adolescente y adulto cu ta sano e malesa mayoria di biaha ta pasa di su mes sin complicacion. Pero cerca hende grandi, hende cu problema di salud y señoranan na estado, bruela por trece cu ne complicacionnan grave.

Un señora na estado cu haya bruela pa prome biaha ta core riesgo grandi di haya infeccion di pulmon (pulmonia) como complicacion.

E baby den bariga di su mama cu bruela tambe ta core riesgo di nace cu defecto di cu-

ero, wowo y defecto na man y pia si e señora na estado ta den su 13 pa 20 siman di embaraso. Si un señora na estado haya bruela 5 dia prome cu el a duna luz of 2 dia despues di parto, e baby ta core riesgo di wordo infecta cu e virus cu por trece complicacion pa e baby. E complicacionnan ta encera pulmonia severo, infeccion na higra, canal digestivo of na cerebro.

Pa e motibonan aki ta conseha tur persona cu tin bruela pa no bishita luganan publico, bay scol of trabou, tampoco bay poli of Eerste Hulp (si no mester) of bishita dokter

di cas (semper por yam'e).

Un persona cu a haya bruela ta proteha contra e virus y e chens ta chikito cu lo e por haya bruela un biaha mas, pero si nunca bo no a haya bruela y bo ta na estado ta conseha pa bo keda leu di esunnan cu tin bruela.

Anto si bo ta sospecha cu bo por a bin den contacto cu un persona cu bruela of 'gordel-roos' (kolibri), notifica bo dokter di cas, ginecologo of partera. Pa mas informacion por tuma contacto cu Departamento di Salud Publico, seccion Malesanan Contagioso na telefon 522-4200. □

Fundacion Xander Bogaerts Dare to Dream un realidad



Setar NV pa ta e patrocinadon oficial di e fundacion. Ambos compania ta hopi orguyoso di por contribui na un fundacion cu ta lanta pa specialmente pa traha na bienestar di e hubentud di Aruba y sigur si e tin un hoben ehemplar manera Xander Bogaerts na cabes di e fundacion. Manera director di Setar NV, Sr Roland Croes a bisa: "E disciplina cu Xander Bogaerts a demostra henter su carera den baseball a yuda cu awe ela yega Mayor League Baseball". Presente na e conferencia di prensa nos por a mira Sra Brown, mama di Xander, e pelotero profesional Xander Bogaerts mes, director di Setar NV, Sr. Roland Croes y marketing manager di Tropical Bottling, Sra. Vanessa Hollander.

Dia 8 di december proximo lo organisa un tremendo



happening y alabes inauguracion di e compleho di Centro di Bario Lago Heights, segun entendi lo carga e nomber di Xander Bogaerts. Lo bay tin musica, diberticion pa nos muchanan, mas cu claro e baseball mirando cu ta playoff di ABBA. Por ultimo Xander a bisa cu e lo sinta henter dia parti firma pa

loco te su man kita cay. Pues reserva e dia aki pa asina bin pasa un rato ameno y placentero den compania di famia y amigonan dia 8 di december proximo na Centro di Bario Lago Heights. Pa tur es nan cu kier mas informacion por mail na e siguiente adres cu ta xbdaretodream@gmail.com. □

ORANJESTAD -- Nos kier duna tur mucha den necesidad na Aruba un oportunidad den bida". Esakinan tabata palabra di Sra. Sandra Brown, mama di nos pelotero profesional di baseball Xander Bogaerts na e lansamento di e fundacion cu lo carga nomber di Xander Bogaerts Dare To Dream Foundation di cual e pelotero mes lo ta e presidente. Vice-presidente di Xander Bogaerts Dare To Dream Foundation, Sra. Brown a splica cu e fundacion a ser lanta pa duna oportunidad na otro muchanan cu ta practica e deporte di baseball na

Aruba. Muchanan den necesidad cu pa un of otro motibo no por yega na material di baseball of tin problema cu transporte, es nan di fundacion t'ey pa duna un man. Na banda di esaki lo ofrece guia di tarea di scol mirando cu educacion y formacion deportivo ta primordial pa logra cosnan grandi den bida. Ta varios hende lo ta den servicio di e fundacion caminda cada un lo tin nan tarea pa cumpli cune.

Pa esey mes tambe a acerca e dos companianan local Tropical Bottling pa medio su producto Malta Balashi y

Feestdagen bij uw vrienden of familie!

Vlieg nu Comfort voor de prijs van Economy!

Vliegticket retour o.b.v. Comfort Class

Aruba - Amsterdam

v.a. AWG

1449,-

→ Ga naar het ArkeFly Sales Office of bel +297 5820804

Vanafprijs p.p. incl. luchthavenbelasting en brandstof toeslagen, excl. andere toeslagen. Aanbiedingsprijs is geldig op boekingen zolang de voorraad strekt. Vertrek tussen 28 november t/m 30 december 2013. Onder voorbehoud van wijzigingen en beschikbaarheid. Vraag naar de voorwaarden. Op = op.

Zo wil ik het...



Hospital cu simposio interesante tocante maltrato di mucha



ORANJESTAD -- Durante siman di enfermeria infantil, e Departamento di Mucha di Dr. Horacio E. Oduber Hospital tur aña ta organisa un simposio cu un tema actual. E aña aki esey no ta bata un excepcion, pa cual expertonan

riba tereno di cuida di mucha a reuni hunto pa dialoga. Sra. Veronica Vermeulen, Zorg manager na departamento di mucha a splica cu ya for di aña pasa a nota un crecemento den e cantidad di casonan di abuso di mu-

cha den tur sorto di forma y despues di e simposio na 2012 a dicidi inmediatamente cu e tema pa 2013 lo ta: Maltrato di mucha. Durante e simposio a bin dilanti cu 40% di e muchanan cu ta sufri maltrato, nan may-

ornan a wordo maltrata den pasado. Loke ta esencial ta pa busca solucionnan pa maltrato, pa prevencion di maltrato of si el a tuma luga pa e wordo para y asina e mucha no ta haya su mes traumatiza y bibando cu e dolornan cu

maltrato ta causa. Sra. Vermeulen ta comenta cu mester bin mas colaboracion unda e diferente partnernan mester traha hunto pa bin cu un plan pa preveni maltrato y e cuida pa mucha. E muchanan mester haya un bon cuida y un tratamiento pa nan no keda traumatiza manera ta pasando awo, sra. Vermeulen ta subraya. Locual dr. Clementien Vermont, pediatra na Hospital, ta sinti falta di dje na Aruba ta un punto central pa registra tur casonan cu sospecho di maltrato di mucha, y tambe mas asistencia for di e area di husticia unda tin un protocol cu proceduranan mas facil pa cana y bon defini. Pa finalisa, Dr. Vermont ta subraya cu loke definitivamente si tin na Aruba ta hopi hende envolvi, tin hopi hende cu kier yuda y tin hopi bon voluntad Segun Sra. Vermeulen, ta asina cu probablemente e cantidad di maltrato di mucha ta bata t'ey semper, pero awendia hendenan ta miho informa tocante esaki, nan ta mas consciente y consecuentemente tin mas hende ta "tira un bista" pa e señalnan, incluyendo bisiña, amigo y famia, pero tambe e personal di Hospital. Tin biaha e mucha ta dren-ta Hospital pa otro motibo como pashent pero ta resulta cu ora mira mas profundo ta reconoce e señalnan di maltrato, sra. Vermeulen ta splica. Durante e simposio, ademas di conclui cu tin mester di mas cooperacion entre tur instancia a bin cierto otro informacion dilanti cu ta yuda den e proceso pa mehora e situacion pa cu maltrato di muchanan Aruba. Tin mester di mas informacion y cambianan den ley pa proteccion di e victima y pa cu castigo di e abusado. Tambe ta asina cu hopi bes mayornan ta acudi na instancianan y ta sinti cu nada ta wordo haci. Concluyendo, e plan ta pa yega na un grupo di expertonan pa traha hunto y presenta na e minister concerni un plan pa cambia mentalidad y conscientisa nos comunidad miho y yega, entre otro, na mas proteccion pa nos muchanan y evita cu nan ta biba cu trauma nan causa pa maltrato. Di e forma aki Dr. Horacio E. Oduber Hospital ta demostra su compromiso pa sigui informa y traha hunto riba topiconan importante pa nos comunidad dunando miho cuida posibel na e pashent y cumpli cu e lema cu e pashent ta central.

Un otro tayer di baile

ORANJESTAD -- Pa comparti nan experiencia recien ricibi den un tayer Dance Corsou e hobennan Orwin Gomes, Maria Almanzar, Brittany Hagedoorn y Tizi Leito ta bay brinda muchanan y hobennan di Aruba un tayer e weekend venidero den cua lo ofrece e.o. Jazz y Hip Hop.

E tayer ta diasabra awor dia 30 di november di 10or di mainta pa 1or di merdia y diadomingo di 9or di mainta pa 12or. Tur mucha por participa. E contribucion ta manera custumber 5 florin y lo inclui un pan cu tuna y un juice. Algun palabranan di un hobennan ta cu mi siña hopi di

e tayer aki, y bo por ta cansa pero sigui bay paso net e ora ey bo ta traha mas duro. Bo por tin dolor pero sigui traha bay y lubida dolor. Danki na e tayer aki mi a siña cu baile no ta no ta solamente tecnica of solamente sentimiento sino algo mas cu esey e ta duna bo e libertad y ta yuda bo den bo bida. Bo mester tin

tur dos pa bo por sinti bo mes bon den bo bida esaki ta yuda bo ta un hende di caracter y dicidido den bo actonan profesional. Semper haci bo best y aunke e ta un par di dia so nunca stop. Dreams don't work unless you do So hobennan, "just Join" nos diasabra y diadomingo awo na Scol di Arte. □

Un ruta nobo den Parke Nacional Arikok ta bou di preparacion

ORANJESTAD -- Den cuadro di e proyecto Good-4theNeighborhood (G4N) di Aruba Bank N.V. un grupo di atletanan di e deporte di ciclismo y coremento na pia, y alabes estudiante di Colegio Arubano, a cuminsa cu nan proyecto "TRAILS FOR LIFE" pa Parke Nacional Arikok.

E grupo di atleta, hunto cu e expertonan di Parke Nacional Arikok a scoge algun ruta cu por wordo inaugura pa comunidad. E atletanan a cana y core riba e ruta nan aki cu nan "Garmin Global Positioning System" pa asina adkiri informacion valioso di e rutanen. Informacion manera, distancia, grado di inclinacion, dificultad, tipo di tereno y obstaculo natural. Tur ta informacion necesario cu lo wordo poni riba borchinan di marcacion, pa es nan cu kier haci uzo di e ruta nan den Parke Nacional Arikok por planea nan actividad miho posibel y na un manera sigur cu ta yuda Parke Nacional Arikok conserva nos recursonan natural. Tur informacion di e rutanen a wordo manda pa e experto di Dienst Infrastructuur & Planning, sr. Luciano Bockhoudt cu lo integra e ruta nan akiriba e mapa di Aruba.

Pa por a logra e prome parti aki di e proyecto, e atletanan participante di G4N a tene un campaña extenso pa atrae boluntario di Colegio Arubano. E grupo a haci presentacion di nan proyecto pa e alumnonan durante pauze, informando nan coleganan di locual nan ta haci. Ademá, e grupo a pone borchinan disponibel den e entrada principal di scol unda cu es nan cu kier a bira boluntario por a pone nan potret na e "muraña di fama". Asina a logra atrae 84 boluntario, cu tabata pa gran parti alumnonan di VWO 5 cu ta preparando pa nan biahe educativo pa Puerto Rico.

Diasabra mainta trempa, 84 alumno bou di guia di 6 docente y representante di Aruba Bank, acompaña pa 3 fotografo, a sali for di e centro di bishitante di Parke Nacional Arikok rumbo pa Cero Arikok. Den cercanía di Cero Arikok ta situa e comienso di e ruta cu ta bay pa Conchi of Dos Playa. E ruta aki a wordo haci limpi y e alumnonan a prepara e caminda di forma cu porta accesibel pa uzo pa cana o sea

core bicicleta. Despues cu e trabounan a finalisa, a regresa bek riba e ruta y remarcabel ta e metamorfosis cu tabata visibel. Unda cu prome tabata mondi cera pa matanan di hubada y barancanan cu ta obstaculisa e movicion riba e ruta, a cambia den un caminda solido, miho accesibel y visibel for di un distancia cu ta brinda un bunita panorama natural di nos flora & fauna. E atletanan kier gradici nan coleganan di Colegio Arubano VWO 5, e maestronan y

tambe Aruba Bank pa e oportunidad di por contribui na e proyecto di G4N. E grupo actualmente ta finalizando e fase di ehecucion. Den e siman venidero e trabounan ta continua riba e ruta pa asina por finalisa esaki pa e inauguracion dia 6 December proximo cu un actividad pa comunidad "Hike & Bike" di G4N, Trails for Life. Por sigui tur desaroyo di e proyecto importante aki entre otro via e pagina di facebook: TRAILS FOR LIFE. □



AHATA Coastal Clean Up November 23, 2013

Danki

**Un danki grandi na tur persona,
famianan y instancianan/ compania
cu na un of otro manera a
coopera y cu a haci e di
12 Limpieza Nacional di
nos Costa y Beachnan
un exito rotundo!**

Maria College
Colegio EPI Hospitality & Tourism
Universidad di Aruba
Juliana School
St. Anna School
Colegio Laura Wernet – Paskel
Colegio Arubano Oranjestad
Cacique Macuarima School
Maria Goretti College
Colegio Sagrado curazon
Colegio Hilario Angela
Colegio San Nicolas
International School of Aruba
Colegio Pastoor Kranwinkel
Colegio San Hose
Colegio Sta. Filomena Basis
Ibero American Highschool

AHATA su Comision di Medio Ambiente kier duna un danki grandi na su **main sponsor Coca Cola** cu por cierto a yuda contribui na e exito y participacion di nos comunidad. **Tambe na tur e companianan aki cu nan contribucionnan y cooperacion:** TPEF (Tourism Product Enhancement Fund), Ecotech Aruba, Playa Linda Beach Resort, De Palm Corporation, Mourik Caribbean N.V, Banana Bus, Repsol Aruba B.V, Serlimar, Aledda N.V, Andina Ice Industrial N.V, Fantastic Gardens Aruba N.V, Red Cross Aruba, D.A.L Pest Control N.V, Manchebo Beach Resort & Spa, Free Zone Aruba N.V, Bucuti & Tara Beach Resorts, The Westin Resort & Casino Aruba, Arugas, Casa Haime Trading N.V, Bohama Aruba N.V, Occidental Grand Hotel, La Cabana Beach & Racquet Club, Banco di Caribe Aruba N.V, Martijn Trading Company N.V, Kooyman Aruba N.V, Quality Auto Sales, Costa Linda Beach Resort, Dijkhof Cleaning & Services, Pelican Adventures N.V, Frasa International Trading, Korps Politie Aruba (Barrio Reggiseur), Arubus N.V, Boogaard Assurantiën N.V, Divi Resorts Aruba N.V, Hyatt Regency Aruba Resort & Casino, Mariniers Kazerne Savaneta, Aruba Joe's, Boolchands, Compra Ltd, Aruba Tourism Authority, Quality Apartments, AON Aruba N.V, Nagico, Jolly Pirates, Super Food, El Tours Aruba, MNO Vervat Aruba N.V., (DLVV) Departamento di Agricultura, Cria y Pesca, ECA.

Tambe diferente gruponan manera: Turtugaruba Foundation, La Cabana Beach & Racquet Club, Bucuti & Tara Beach Resort, Occidental Grand Hotel, Divi Mega Resorts, Shadi Gilani's Group, Ecotech Aruba, Fantastic Gardens Aruba N.V, Do it Center, Tommy Hilfiger, Tropical Bottling Company N.V., Aruba Ports Authority, KPMG Advisory Services N.V, Serlimar, Caribbean Palm Village, Kiwanis Circle K/ Action Club, (DLVV) Departamento di Agricultura, Cria y Pesca, Lady Olave Baden Powell Group, Mariniers Kazerne.

Un danki special na Eris Jean Maestro, estudiante di EPI (Sector Horeca) cu ta haci su stage na AHATA y Luis Rasmussen pa nan dedicacion y trabou, AHATA su team di Comision di Medio Ambiente: Vanessa, Daniel, Astrid, Nigaima, Jamaal, Frank, John, Edith, Facundo, Julio, Morayma, Nikki, Arnold, Giovanna, Natalie, Walter, Ramoncito.

Danki na Sharon, Jessica, Clyde, y Johana pa nan cooperacion. Nos sincero disculpa si nos por a lubida un compania of grupo participante.

Tambe na tur medionan di prensa un danki pa nan apoyo y cubrimiento di e campaña.

Reusa, Reduci, y Recycla - Ban mantene nos isla limpi, un Aruba dushi, sin sushi!

AHATA
ARUBA HOTEL
and
TOURISM ASSOCIATION

Comision di Medio Ambiente

Nos ta contento di por a conta cu boso apoyo!

Polis ta hiba homber Centro na Dakota

SERO TIJSJI—Diamars 04.42 Central ta manda Polis pa un homber desconoci cu ta benta banda di caminda na e sitio Polis a mira e homber y hunto cu un patruya di Playa, nan a purba papia cu e homber, pa mira kico a pasa, pero e no kier a bisa nada. A logra Polisnan di haya su paspoort y su nomber ta F.A.C. W. naci na Hulanda di 27 aña, sin luga of caminda fiho di biba.

Polisnan a constata cu e no ta haciendo normal y ta papia bruha. Pa su mes bon, Polisnan a core cun'e for di e sitio. Mas o menos 05.15 Central ta bolbe manda Polisnan pa un asistancia, e biaha aki ta na altura di Wayaca Falls. Na e sitio polis a bolbe topa cu W, kende tabata cana draai rond banda di e caminda. Polis a puntr'e kico ta pasando cun'e, pero un biaha mas e no por a bisa Polisnan nada normal. Segun W, a bisa cu e no tin luga fiho di bida. Mirando esey, Polisnan a hib'e na e institucion na Dakota pa ayudo. □

Homber atraca pa 50 florin

SAN NICOLAS—Diamars 11.20, e homber A. naci na Aruba di 45 aña, a bay warda di Polis y ta duna keho di ladronia cu violencia. E ta bisa cu dia 23 di november 02.20, e tabata cana riba Caya na altura di Pricesmart y el a wordo ataca pa un homber color scur. E homber a baha for di un auto preto hunto cu dos otro homber.

Un homber a dal e denunciante cu un pida hero riba su schouder drechi y a pidi placa. E victima a duna e sospecho-so un biyete di 50 florin cu e tabatin den su saco di carson. Despues tur tres a subi den e auto y a core bay. E dos otro homber nan no a haci nada. Nan tabata para mira. Polis a tuma su keho y investigacion ta andando. □

Ladronnan a laga Toyota Tercel pluma

TAMARIJN—Diamars 08.40 Central ta manda Polis na Tamarijn, na unda un Toyota Tercel a wordo laga atras. Na e sitio a resulta cu ta e auto A-41539, un Toyota Tercel color cora. Ladronnan a bay cu e motor y tambe e speedbox y tambe e asnan dilanti. □

Denuncia di ladronia di auto

MACUARIMA—Diamars 09.00, e muhe B, a bay warda di Polis pa duna keho di ladronia di su auto. E ta bisa cu e auto a wordo horta dilanti su cas na Bloemond. Ta trata di un Toyota Corolla berde A-53654. □

Chollernan ta kibra bentana di refresqueria

ORANJESTAD—Diamars 10.14, Central ta manda Patruya di Oranjestad na Refresqueria Mayor pa un kiebro. Na e sitio Polis a papia cu e muhe G, kende ta bisa cu un dia 26 di november 03.05, el a wordo yama pa personal di seguridad di Safecom. Nan a bis'e cu a alarma a zona. Ora cu Patruya di Safecom a bay controla, nan a mira cu e bentana dilanti tabata kibra. Dia 26 di november 08.00, el a bay na e sitio el a mira cu e bentana dilanti tabata kibra. Un rato despues e choller R.H. a papia cun'e y a mira cu e tabata sinta bou di un palo. E ta bisa cu e chollernan conoci T. Krozendijk y Patan tabata bringa cu otro. E ta sigui bisa cu el a mira con K a manda piedra contra e muraya di e refresqueria y despues a cana bay direccion di Ranchostraat. □

Polis ta atende choller cu ta drumi riba caya

ORANJESTAD—Diamars 09.00, durante patruya Polisnan a pasa na altura di Edificio di Corte den Emanstraat. Eynan nan a topa cu un choller. Ta resulta di ta Tattoo. E tabata drumi riba e banki dilanti di e edificio. Polisnan a lant'e y a core cu ne di e sitio. El a insulta e Polisnan pa cual nan a hala su atencion.

Despues el a rabia y a bay for di e sitio. Na caminda pa oficina mas o menos 10.00 Polisnan a bolbe core den Emanstraat y na altura di e mesun edificio, Polisnan a bolbe topa cun'e na e mesun luga. Polisnan a bolbe lant'e for di soña y a bisa pa e lanta y bay for di e sitio. El a bolbe rabia y a pone posicion di bringa dilanti e Polis. Ora cu Polis a bay atende riba su comportacion

y a bisa pa e bay for di eynan, el a ataca un otro polis. A start un luchamento. Polisnan a domina y a detene.

Pa 10.30, a presente dilanti Fiscal Auxilia, na unda el a keda cera pa e calma. Na warda Tattoo no kier a duna su nomber y tabatin boca grandi. El a menasa e Polisnan si e mira nan riba caya. Riba esaki, tambe el a wordo atende y a hib'e warda di Shaba pa cer'e. Su nomber mes ta T.D. naci na Aruba di 46 aña. □

Polis ta detene y cera homber burachi fastioso

ORANJESTAD—Diamars 11.12 Central ta manda Polis na Radio Shack den Nieuwstraat pa un homber burachi. Na e sitio Polis a topa Strandpolitie cu ta tumando nomber di e homber D.R.M. naci na Aruba di 54 aña. El a bay eynan pa cumpra un transistor pero e trahado a bisa cu nan no tin. D.R.M. a cuminsa haci fastioso. Polisnan a mustre'e riba su comportacion y a mand'e for di e sitio. Ora cu Polisnan tabata pafo, nan mester atende varios biaha riba su comportacion, pero e no ta compronde. Polisnan a mira cu D.R.M. ta fuertemente bou di influencia di alcohol dor di cual Polisnan a detene pa buracheria riba caya. Mas o menos 11.30 el a presenta dilanti Fiscal, na unda el a wordo cera den cel na Santa Cruz. Ora cu Polisnan a hib'e warda di Santa Cruz, el a cuminsa

zundra y insulta Polisnan. Hopi biaha nan mester a atende riba su comportacion y bis'e pa e keda tranquil, pero e no ta compronde y a sigui insulta e Polisnan. Despues el a scupi un di e agentenan dos biaha na su cabes. Ora cu a bay hiba e sospechoso den sala pa warda, un biaha mas el a purba scupi un Polis den su cara. El a haya un klap educativo, na unda el a stop. Despues a cer'e pa evita mas problema. □




Management Open Positions

Casino Operations (Pit) Manager
Casino Cage Manager
Banquet Manager
Sous Chef Tournant
Food & Beverage (Restaurant) Manager

For information on career opportunities and online applications go to www.ritzcarlton.com/careers and click on:



Then select "Aruba" under "Location" and click on:



The Ritz-Carlton, Aruba
LG Smith Blvd 107
+297 527 2222

www.ritzcarlton.com/careers
Human Resources Opening Office Hours for Applications:
Monday thru Thursday from 10AM to 3PM

****Applicants need to register at DPL****

Careers Redefined.

LIVE · REWARD · GROW

The Ritz-Carlton is an equal opportunity employer
committed to hiring a diverse workforce.

CLASIFICADO

Se alquila

Habitación con todo incluido
en Brikstraat Madiki
Tel. 564-1979

200480

Ta Bende

un outboard motor
Suzuki 15 Hp.
Poco usa Afl. 3000.=
Tel. 592-8259

200481

Hobennan ta laga jeep atras

SERO ALEJANDRO—Diamars 13.04 Central ta manda Polis na Sero Alejandro, na unda cuatro mucha homber a laga un jeep blauw atras. Na e sitio un testigo a bisa cu el a mira dos mucha homber den un Toyota Yaris sin number color blauw/berde, core drenta den un garashi. Nan tras tambe a drenta un Chevrolet Tracker blauw. Un rato despues tur dos auto a core bay. E testigo ta bisa cu e Yaris, a sigui riba e caminda pariba di Sero Alejandro y e jeep a sigui bay pabou, y nan a laga e jeep na un apartamento bandona den bisindario y despues a sigui na pia. Polisnan a bay na e apartamento y ta topa cu e jeep eyan. Mirando cu e no tin ningun papel, polisnan a laga Takelwagen hib'e warda pa investigacion. □

Homber ta maltrata y kier hinca su victima

PALM BEACH—Diamars 11.45 Central ta manda Polis riba e caminda entre Hyatt y Occidental Hotel pa un bringamento. Na e sitio e sospechosonan ya a keda deteni pa personal di K9-unit. Segun testigo, e sospechoso tabatin un cuchiu hunto cun'e y ora cu K9-unit a yega, el a benta e cuchiu riba dak di e edificio, na unda tin Palm Tours. Un Polis di Visibility Team a subi riba e dak y a haya e cuchiu y a confisca esey. Dos testigo a acerca Polisnan y ta declara cu e sospechoso ta "Halley", a dal e victima conoci como "Jesus" algun mokete den su cara. Despues Halley a coy e cuchiu y a purba hinca Jesus. Jesus mesora a core bay y a drenta e oficina di Palm Tours. Segun testigo Halley a keda para pafu cu e cuchiu den su man. Ora cu el a mira Polisnan yega, el a benta e cuchiu riba dak. Polisnan a hiba e sospechoso warda di Shaba. □

Ladronnan ta drenta den cas na Sero Janchi

SERO JANCHI—Diamars 13.16 Central ta manda Polis na Sero Janchi pa un kiebri. Na e sitio e homber J, ta bisa cu hunto cu su casa nan a bay for di cas mainta 07.00 y mas o menos 13.00 e mesun dia nan a bolbe. Desconocinan a drenta dor di e bentana di cushina y a bay cu un television Smart Samsung, un Playstation 3 cu dos controller y un television preto cu blanco y tambe 1100 dollar. Polis a tuma su keho. □

Choller agresivo ta ataca hende

SAN NICOLAS—Diamars 14.25, e muhe J, naci na Grenada di 21 aña, ta bay warda di Polis na San Nicolas y ta duna keho di maltrato contra e choller A.C. Brown. A resulta cu J, sin ningun motibo a wordo ataca pa e choller. Esaki a tuma luga na haltura di parada di bus, dilanti warda di Polis. E tabata sinta ta warda bus pa bay traha. Diripiente el a wordo ataca pa e choller.

Den pasado caba e choller a ataca un otro muhe sin ningun motibo. Ta resulta cu e choller ta mentalmente malo y ta un peligro pa hendenan riba caminda. Polis a tuma su keho. □

Polis ta detene homber sospecha di ta droga

DAKOTA—Diamars 15.12 Central ta manda Polis na oficina di ATCO na Dakota pa un persona cu supuestamente ta mentalmente bruha. Na e sitio Polis a topa cu un homber desconoci den e oficina. Polis a mira cu e ta para den huki y ta mira rond. Polisnan a puntr'e mas cu un biaha pa su nomber, pero sin resultado. Polisnan a mira cu e no ta papia bon y no por para bon riba su pianan. Polisnan a haya e sospecho cu e ta bou di influencia di un of otro droga. Relaciona cu esey, Polisnan a detene 15.30 y a hib'e warda di Santa Cruz na unda a cer'e. □

Homber ta causa maltrato y destruccion

ORANJESTAD—Diamars 15.48, Central ta manda Polis den ex Funchal pa un destruccion. Na e sitio Polis a papia cu e muhe P, kende ta bisa cu dia 26, el a haya un yamada di un colega cu a pone na haltura cu e homber E.M. naci na Hulanda di 35 aña, a yega na e negoshi. Dor di esey, P, a yama e huerdo nobo, e muhe C, pa puntr'e si e ta mira e homber M, eyan. C, ta bisa cu e ta na cas, pero un colega di dje, mester ta eyan y e lo yama P, bek. Un rato despues C, a yama P, pa bis'e cu berdad M, ta na e luga y tabata kibrando tur cos den e luga. Dor di esey P, a yama Polis y a bay mesora na e negoshi. Ora cu el a yega, el a mira cu M, ta kitando un reki di palo cu ta na e muraya y ta kibr'e. P a grita M, pa e stop, pero e no a tende y sigui kibra e cosnan. Diripiente M, a coy un palo di mas o menos dos meter y a bent'e intencionalmente riba P. E palo a dal'e na su brasa robes y a haya un herida. Polis a mira cu su brasa tabata sangra. E tabatin un corta na su dede indice. Tambe P, a declara cu M, a push'e contra e frigidaire, na unda e ta haya molester di su nek y su pols drechi. Relaciona cu esey, Polisnan a detene E.M. pa destruccion y maltrato. Polisnan a hib'e warda di Recherche, na unda el a keda cera pa investigacion. □

Homber coriendo memey di caminda den su paña interior

ORANJESTAD -- Diaranson marduga automobilistanan a yama na 100 pa raporta un homber coriendo memey di caminda den su paña interior sin flanel. Ora patruya di Oranjestad a sali pa atende cu e situacion, nan a topa cu e homber un poco pariba di Cayena Mall. E agentenan policial a bay atende cu e homber y na momento cu e homber a wak polis el a cuminsa core pa nan. Polis a core bay su tras pero e homber no kier para. Te na e crusada di Morgenster direccion Pavia, nan a logra para e homber y asina a detene mes ora. Asina cu e auto di transportacion di detenido a yega, a hiba detenido warda.



The Ritz-Carlton, Aruba

On behalf of all The Ladies and Gentlemen at The Ritz-Carlton, Aruba

I would like to thank you ARUBA for your wonderful support, dedication and all of your good wishes.

Na nomber di tur e Damas y Caballeros di The Ritz-Carlton, Aruba

Mi kier a gradici ARUBA pa tur e sosten, dedicacion y bunita mensahenan cu nos a ricibi.

Un cordial saludos,

Roberto Grisi
General Manager
The Ritz-Carlton, Aruba

Polis ta detene homber cu basta sakito di substancia parecido na cocaina



ORANJESTAD -- Diaranson algo pasa di 3'or di atardi, patruya di polis tabata circulando den e area di Rancho, buscando un persona cu lo a kibra den un auto staciona patras di Museo Arkeologico y un testigo a

mira e persona aki bay den direccion di Ranchostraat. Durante e buskeda nan a topa cu un persona cu na prome instante nan a kere cu ta esun cu nan tabata buscando, pero no tabata e persona sinem-

bargo pa siguransa polis a dicidi di rista e persona aki y pa su mala suerte e tabata tin basta sakito di substancia parecido na cocaina den su poder.

Dos polis di K9 unit a presenta na

e sitio cu e cacho entrena pa busca droga y mirando e reaccion di e cacho di e K9 unit, mester tabata tin droga den e auto. Polis a detene e homber aki y a confisca e auto pa mas investigacion. □



Hobencito canando ta dal riba un auto y ta keda herida



SANTA CRUZ -- Diaranson pa mas o menos 2'or di merdia, ta sosode un accidente na Santa Cruz. Na altura di Mundo Nobo Supermarket, un hobencito a caba di sali di scol y a bay crusa caminda sin pone atencion cu consecuencia cu el a dal contra un auto. E hobencito tabata keha di basta dolor na su curpa y na su cabes. Polis y ambulance a presenta na e sitio y despues cu personal di ambulance a trat'e na e sitio, a dicidi di transport'e pa hospital pa un chequeo medico mas avansa. □

Minister di Asuntonan Social drs. Paul Croes ta bishita filial na San Nicolas



ORANJESTAD - Dialuna mainta Minister di asuntonan social a haci un bishita di cortesía pa asina informa su mes di e maneho di e departamento na San Nicolas. Aki Minister a cera conoci cu e personal cu a dun'e tur informacion di nan maneho

den cada departamento y minister a pidi nan pa aporta den e maneho nobo cu e tin. Tabata tin hopi punto di importancia cu a wordo atendi, specialmente e sistema cu nan tin actualmente pa atende clientenan y nan problemanan. Mirando cu

nan ta un grupo hopi chikito y sinembargo nan ta atende tur e diferente sectornan cu tin. Nan experiencia ta yuda carga den un bon forma e comunidad social cu mester di ayudo. Den e recorido minister tambe a mira cu lo mester papia cu su colega de Meza pa yega na acuerdonan pa e mantencion y mehoracion di e edificio pa e filial aki. Minister ta haciendo un inventarisacion den henter e area di e departamento di Asuntonan Social y e maneho social. "Tambe mi a dialoga cu e personal di maneho y trahadonan social cu ta esunnan cu ta atende directamente cu e clientela social. Tur informacion tabata necesario pa e maneho nobo di



nos ministerio" asina minister Paul Croes a duna di conoce.

Empleadonan tabata hopi contento y satisfecho cu e bishita di Minister paso nan por a intercambia di ideanan y tambe presenta nan preocupacionnan cu nan ta en-

frenta diariamente. Jennifer Margareta a duna di conoce cu nan a sinti satisfecho cu minister a sinta y splica su vision y a haci conoci cu plannan cu tin pa continua den e trabao y principalmente e peticion pa pone mas atencion riba nos hobennan. □

Bishita oficial di Consul General di China Sra. Qiman Chen y Consul Sr. Huixun Zhang

ORANJESTAD - Recientemente Aruba a ricibi bishita oficial di Consul General di China Sra. Chen y su delegacion. Sra. Chen ta basa na Corsou y tin hurisdiccion pa tur 6 isla, Aruba, Corsou, Bonaire, St. Martin, Saba, St. Eustatius. Sra. Chen a ser nombra na luna di Augustus.

Prome parti di e programa oficial:

Tur bishita oficial ta inclui un parti formal na unda ta topa cu representantenan di Gobierno. Durante su bishita, Consul General Sra. Chen tabatin audiencia cu Su Excelencia Gobernador Fredis Refunjol, hunto cu Consul Sr. Zhang y compaña pa Director di Relacionnan Exterior Drs. A. Lee. Despues di su bishita na Gobernador, Sra. Chen, Sr. Zhang y Sr. Lee a reuni cu Presidente di Parlamento Sra. Marisol Lopez-Tromp, kende a elabora riba nos estado di derecho y e rol di Parlamento den esaki. Minister President Eman a tuma un ora pa reuni cu Sra. Chen y Sr. Zhang pa delibera riba e interes cu China pa cu e paisnan y en particular pa cu Aruba, cu e Consul General tin hurisdiccion riba dje.

En bista cu Aruba recientemente a haya e asina yama ADS (Approved Destination Status) for di Gobierno di China, Departamento



di Relacionnan Exterior a haya importante pa inclui un reunion y presentacion cu ehecutivonan di Aruba Airport Authority (AAA) y ATA.

ADS - Approved Destination Status, ta un aprobacion cu Gobierno di China ta otorga na paisnan cu nan ta aproba pa por ricibi turista Chines. Esaki ta un logro importante cu Gobierno y ATA tin varios aña trahando riba dje. Di nan banda, Consul General Sra. Chen y delegacion a duna di conoce cu nan ta dispuesto pa yuda pa stimula turismo Chines pa Aruba.

Iniciativa di Departamento di Relacionnan Exterior:

Mirando cu e interes di parti di e Consul General tabata hopi dirigi riba e aspecto economico y di infraestructura, Departamento di Relacionnan Exterior a tene un reunion preliminar cu diferente socionan den comunidad pa asina crea un

plataforma den cual tur ta reuni cu e Consul General y su delegacion na mesun momento.

Di e forma aki, Consul General Sra. Chen y su delegacion a haya un presentacion di e comunidad comercial manera di Director di Departamento di Asuntonan Economico, Director di ARINA, Director di Aruba Free Zone NV y Presidente di Utilities NV.

Durante e reunion aki, Sra. Chen a elabora riba e partinan cu China tin interes den nan pa cual nan lo desea di haya mas informacion pa asina traha un reportahe pa manda pa Gobierno di China encuanto di e diferente posibilidad cu Aruba lo por ofrece.

Departamento di Relacionnan Exterior por mira bek riba un bishita fructifero y kier a gradici tur persona e instancia cu a coopera pa haci e programa uno exitoso. □



Leading Restaurant Company in Aruba offers Job opportunity for the following position

COOK HELPER & MAINTENANCE WORKER

Cook Helper Requirements:

- Age between 23 – 40 years
- Minimum 1 year experience required
- Service Oriented
- Flexible working hours – including weekends & holidays
- Must be a team worker
- EPI/EPB Horeca candidates plus point

Maintenance Worker Requirements:


- Flexible attitude
- Maintenance at Pelican Pier and when needed Main Office,
- Sales Desks and Retail shop.
- Self motivated
- Ability to multi-task
- Work well under pressure
- Planning and organizational skills
- Team player
- Working Holidays/ weekend and nights
- Knowledge of Pier constructions

We offer

- A pleasant working environment
- Attractive salary
- A great opportunity to develop your skills
- Growing possibilities

Applicants must be Aruban or have a valid working permit and must be able to start immediately

Please bring your application letter and CV to the Pelican Nest Office situated between Holiday Inn and Pelican Pier. During office hours from 8:00 am – 12:00 pm and 1:00 pm – 4:00 pm. Please ask for Jovita or Carlos. For more information please call: 586-6658



Segun partido MEP:

E problema di Mike Eman ta cu AVP a core campaña cu no ta tuma medida!

ORANJESTAD - E Dialogo Social cu ta andando den cual mester tuma decisionnan tocante e fondo di pensioen di biehies ta hayando bastante atencion. E problema mas grandi cu Mike Eman tin ta cu henter campaña nan a bisa cu AVP lo no tuma medida. Cu AVP lo sigui cu e “bon trabou”, y cu “ainda falta”. Mike Eman a priminti tur hende cosnan positivo, y den cada cas campañadonan

di AVP tabata yena hendenan cu mentira negativo riba MEP. AVP a hiba campaña cu ta MEP kier tuma medida. Awor poco poco tur hende ta realiza con campañadonan, candidatonan y te hasta e lider di AVP a manipula nan, pasobra e tabata tin e plan di medida aki cla caba. E plan aki no ta nobo, sino nan no por a yama e dialogo social asina lihe. Tur cos tabata cla caba prome cu elec-

cion, ta simplemente Mike mester a warda pa miles di hende cay den su trampa, pa e implementa e plan diabolico aki. Mike Eman y su campañadonan a drenta bo hogar y gañado yen di cos di famia Croes, cosnan cu den corte e mester a rectifica caba. Sinembargo realidad ta cu ta Mike Eman ta involvi cu hendenan straño. Mike Eman, su ministernan y nan coordinadonan ta involucra

cu hendenan cu ta wordo busca pa husticia pa actonan criminal serio entre otro labamento di placa. Awor berdad nos tur sa ta di unda tur e placa di campaña a bin! Esey ta e problema cu Mike Eman tin, e no por sigui gaña cu AVP no ta bin cu medida, y awor poco poco hendenan ta realiza cu Mike Eman a tuma nan haci. Si en caso cosnan ta dificil na Aruba, tur hende por com-

pronde. Pero cosnan ta dificil pa pueblo, no pa gobernante. Pa gobernantenan tin placa pa crea dos ministerio nobo. Pa gobernantenan tin placa pa biaha bay Dubai y bay Hulanda, cu delegacion grandisimo incluyendo cantidad di miembro di prensa. Pero pa pueblo mester bin medida, pa asina Mike tin mas placa pa por sigui biaha y fiesta. Quo Vadis. Y ainda falta. □

“Education Summit 2013” su enfasis tabata riba innovacion y entrepreneurship



ORANJESTAD - Diabierna a tuma luga e prome “Education Summit” den Renaissance Convention, cual tabata un iniciativa di Directie Onderwijs y Universidad di Aruba, cu cooperacion di KPMG. Durante e Education Summit a habri e dialogo tocante diferente topico y tema di importancia pa futuro di sistema di enseñansa na Aruba. E enfasis tabata riba innovacion y entrepreneurship den enseñansa. Minister di Enseñansa, Maneho di Famia y Enseñansa pa Adulto, Michelle Hooyboer-Winklaar a hiba palabra na clausura di e encuentro y a participa activamente na e ceramento di e dia cu conclusionnan importante. Durante e Education Summit a discuti temanan cu Aruba mester bay enfoca riba nan pa nos sistema di enseñansa produci no solamente personanan cu ta bay sigui studia pa bira empleado di un negoshi via di e modelonan di enseñansa mas tradicional, pero a papia tocante kico e opcionnan y posibilidad nan ta pa contribui na formacion

di entrepreneur nan of personanan cu ta funciona na e nivel di conocimiento, motivacion, etc. di entrepreneur nan. Minister Hooyboer-Winklaar a splica cu e dialogo aki ta di importancia pasobra Aruba kier produci personanan cu kier bay traha riba nan mes y habri nan mes negoshi, pero mas bien a papia tocante tur e caracteristicanan di un entrepreneur cu por wordo aplica den ful e sistema di enseñansa. Mester pensa aki riba con pa tuma e balornan di un persona cu ta pensa manera un entrepreneur y aplica esakinan na cualkier tema, materia y estudio, e mandatario a añadi. A discuti tambe innovacion den tur sentido. Durante e Education Summit diferente persona cu ta bin di e sector comercial a wordo invita pa comparti nan pensamiento nan, como tambe studiantenan y a considera e experiencianan di tur dos banda, pues di enseñansa y di negoshi y a discuti e tendencia actual. Participante na e Education Summit tabata representantenan di un variedad di organizacion cu ta

hunga un rol den e sistema di enseñansa na Aruba. Un di e puntonan cu tabata central, ademas di e trendnan actual, ta kico ta e vision pa cu e posicion competitivo di Aruba den nos region y den mundo pa futuro, segun Hooyboer-Winklaar. E idea tras di e prome encuentro aki tabata pa cuminsa e combersacion y motiva esunnan presente pa pensa riba conceptonan y modelonan, solucionnan y oportunidadnan cu lo conduci na final di dia na mehoracion di e sistema di enseñansa den su totalidad, Minister Hooyboer-Winklaar a expresa. E sesionnan tabata hopi interactivo, tabatin espacio pa debati y haci pregunta. E “Education Summit” tabata pa habri e porta y introduci e dialogo y ta simplemente un comienso. Minister Hooyboer-Winklaar a splica cu lo tin mas di e tipo di encuentronan aki, unda cu lo discuti inversion versus rendimiento, kico ta e inversionnan cu mester haci pa saca lo maximo pa nos studiantenan y cu esaki pa e



futuro di Aruba en general. Tin temanan delicado, cu no ta bay sali afo asina facil, tin algun tema cu tin añanan largo ta papia riba nan, mester pone e opcionnan riba mesa y tuma decisionnan basa riba ki direccion Aruba kier tuma, e dignatario a subraya. “E reto di mas grandi ta con nos ta bay surpasa e obstaculo cu ta “resistencia na cambio”, segun Hooyboer-Winklaar. Cambio of reforma ta trece cun’e diferente emocion, hopi biaha duda pa cu e resultadonan final, pero mester corda cu ta necesario pa bin cu un bon estructura, mester sigui innova,

pa Aruba por ta competitivo den nos region y den mundo, e mandatario a elabora. Na final di dia mester sinta cu e diferente partnernan, of gruponan di interes, pa cu decisionnan cu mester wordo tuma. Idioma ta un di e temanan sigur. E diferente temanan lo wordo discuti basa riba topiconan manera ta competitivo di e estudiante cu caba su scol riba e mercado di trabao, habilidad nan necesario, etc. Mester semper evalua kico e beneficiaran maximo ta pa e alumno, e maestro di scol y pa Pais Aruba, Minister Hooyboer-Winklaar a conclui bisando. □



Segun Parlamentario Donny Rasmijn

Esfuerzo mester wordo haci pa haci miho uzo di personal

ORANJESTAD - Go-
biernonan di pais Aruba
nunca a concentra riba
reduccion di gasto y
utilisa e forsa laboral di
Aruba na un manera mas
eficiente. Por chempel
nos pais tin un grupo cu
ta consisti di alrededor
150 ambtenaar cu pa un
of otro motibo a wordo
poni den e asina yama
“overtolligheidspoel” y
masha poco di nan ta bin
bek na trabou.

E motibo cu nan ta wordo
hinca den e “spoel” aki ta
depende di diferente fac-
tornan pero e realidad ta
cu e no ta nada dushi pa e
ambtenaar y e ta un costo
halto cu e pueblo mester
paga. E personanan aki ta
frustra pasobra nan kier
gana nan pan na pia di tra-
bou. “E no ta nada dushi pa
un persona bin bisa bo cu bo
ta cobra placa sin traha”, Ras-
mijn ta bisa. A yega tempo pa
gobierno duna e personanan
aki un segundo oportunidad
pa nan drenta den aparato
gubernamental. Aparente-
mente tin vacatura pero dor
cu no ta tuma personal nobo,
cu excepcion pa Polis, KIA,
CEA y pa maestro di scol, e
puertonan no ta wordo yena



cu personal vast. Hopi biaha
ta dicidi pa duna un contract
pa cubri e puesto temporario.
Actualmente tin leynan nobo
vigente cu ta haci esaki tambe
difícil pa gobierno. Un di e
ley laboral nobo ta, cu ta pro-
hibi pa un instancia keda ex-
tende contract di un trahado
y cu despues di 1 año traha-
ndo, e instancia mester haci
e trahado vast. Kiermen cu
gobierno no por sigui duna
contract pa añanan largo mas
tampoco y mester of cubri e

vacaturanan cu amb-
tenaan cu ta den
“overtolligheidspoel”
of mester tuma nan
na trabou. Ultimam-
ente masha poco ley na
Aruba ta wordo mante-
ni y sanciona. Esaki pa-
sobra den tur ley Polis
y Bijzondere Opspor-
ingsambtenaar (BOA)
ta responsabel pa man-
tene e ordo. Pero como
cu e cantidad di BOA
no ta suficiente e peso
ta cay completamente
riba Polis. “For di e
grupo di “overtollig-
heidspoel”, gobierno
por prepara y haya
bastante BOA pa yuda
Polis mantene nos ley-
nan y lo no costa nos


pueblo ningun cen ex-
tra. Asina aki e ambtenaar por
cuminsa traha bek y lo con-
tribui na mantene leynan cu
nos tin riba nos pais”, segun
Donny. E otro grupo grandi
di trahado cu Aruba tin ta
esunnan cu ta cobra onder-
stand.

Onderstanduitkering ta su-
puestamente algo temporal
cu excepcion pa esunnan cu
pa motibo medico no ta capaz
mas pa traha. Na Hulanda
esfuersonan grandi ta wordo

haci pa saca e personanan aki
for di “uitkering” dor di bus-
ca trabou y entrena e perso-
nanan aki pa drenta mercado
laboral. Tambe e personanan
tin un deber pa aplica pa tra-
bou. “Si e grupo aki haya tra-
bou, nan lo contribui na caha
di gobierno y na AOV/AZV
y SVB en bes di ta un gasto
grandi pa Gobierno”. Tambe
nan ta preveni cu prome per-
misionan di trabou ta wordo
duna pa personanan di exte-
rior bin yena e vacaturanan

riba nos isla. Nos pais mester
cuminsa wordo mancha na
un manera hopi mas eficiente
y den e dos gruponan men-
ciona ariba tin hopi potencial
pa yuda nos pais progresa.

“Pesey mi persona ta kere
cu un esfuerzo mester wordo
haci pa trece personanan cu
ta den “overtolligheidspoel”
y esunnan cu ta cobra onder-
stand den forsa laboral”,
Donny Rasmijn a termina
bisando. □



INVITACION PA ENCUENTRO DI INFORMACION


Pa stabilisa suministro di coriente y hisa eficiencia di produccion di energia, WEB Aruba a inicia un proyecto pa warda energia den fondo di lama.

Relaciona cu esaki, nos ta invita
organizacionnan ambiental,
habitantenan di Yuana Morto y bisindario
y tur otro interesado pa un encuentro
informativo.


Durante e encuentro lo presenta tambe
e resultado di un estudio di efectonan
social y ambiental cu e proyecto lo por tin.

- **Diamars 03 di December 2013**
- **Topico: wardamento di energia den fondo di laman**
- **7:00 pa 9:00 or di anochi**
- **CANTINA di WEB na Balashi**

Pa posibel pregunta por yama lider di
proyecto, sr. Elton Figaroa na tel. 525-4600.



WEB
WATER- EN
ENERGIEBEDRIJF
ARUBA N.V.



Balashi 76, Aruba | T. 525 4600 | F. 585 2000
E. info@webaruba.com | www.webaruba.com



MEGAPLEX 8

100% Digital HD

ALL THE MOVIE
INFORMATION YOU WANT
AT YOUR FINGERTIPS

log on to

caribbeancinemas.com/aruba

★ ★ ★ ★ ★

Showtimes Coming Attractions Synopsis



Buy your tickets online through
caribbeancinemas.com/aruba
cinemaexpress

Palm Beach Plaza | Aruba | 586-0074



Available on the
App Store

DOWNLOAD OUR NEW APP



ANDROID APP ON
Google play

AFAS Software Aruba a introduci PROFIT 2014 pa su cliente nan



ORANJESTAD - E compania AFAS Software conhuntamente cu Cross Aruba a pone e trahadonan di nan respectivo cliente nan den movecion. Movecion ta sumamente importante pa bo salud y mirando AFAS kier stimula tur hende pa ta fit a dicidi di bin cu e tremendo iniciativa aki. PROFIT 2014 ta e clausura di cada proyecto caminda tanto esunnan cu a participa activamente den e proyecto como tur otro trahado por participa den un mainta di movecion. E parti di movecion ta den man di e instructornan di Cross Aruba. Diadomingo mainta a introduci Crossfit na e em-

pleadonan di Directie Onderwijs Aruba. Nos por a mira cu su directora Sra. Annemarie Proveyer-Groot dunando e bon chempel unda hunto cu e demas empleadonan a bin cera conoci cu e deporte aki, e mainta sigur tabata uno fructifero pa un y tur. Mester bais cu a base di esaki a dicidi di introduci Crossfit tur siman dos biaha pa siman. Sin duda algun esaki ta un estimulo grandisimo pa tur sector sea ta priva of gubernamental. Un pabien sigur na AFAS Software Aruba como tambe Cross Aruba cu e idea pa pone nos comunidad den movecion. □

Tata luchado ta lansa cantica “Respeta Nos Yiu”



ORANJESTAD - E odisea a termina. Despues di un lucha di casi dos aña contra un keho falso di violacion, por fin tin un decision di Hues. Ya ariba 17 di juni di aña aki, Ministerio Publico a duna di conoce cu nan lo no persigui Othmar Matos. Sin cu e mes-

ter a presenta dilanti Corte, finalmente Corte Superior a duna su sentencia. Corte Comun di Aruba, Corsou y Boneiro mester a bin cu un decision despues cu ex-casa di Matos a scoge pa bay den Corte Superior contra decision di OM. Corte Superior su decision tabata cla y raspa y a rechasa e keho. Cu esaki Matos awo ta completamente liber di tur persecucion. Loke falta awo ta pa e wordo reuni cu su yiu muhe stima. “Nunca mi a mishi cu mi yiu muhe na un manera inapropia”, asina Othmar Matos, fundado di Fundacion Stop Kehofalso, ta enfatisa. “Y cu e hecho aki mi ta bay cu man duro contra tur acusacion di cualkier persona of instancia. P’esey tambe, Matos a sali cu

un cantica. E mes a skirbi e letra anto e conoci cantante Ofo Escudero a canta ariba e grabacion. Cu e cantica aki, Matos ta purba yama atencion ariba un problema serio den nos comunidad y alabes e kier haci su fundacion mas conoci. Ariba dia 26 di november, e di dos fase di e campana grandi aki ta cuminsa cu lansamento di e cantica “Respeta Nos Yiu”. E cancion aki ta basa ariba e storia di Matos. Hopi mayor lo identifica nan mes den e situacion aki y kisas hasta baila riba su ritmo dushi di Zouk. Fundacion Stop Kehofalso, cu tin un e-mail adres cual ta stopkehofalso@gmail.com, awor tambe tin un number di telefon oficial. Number aki ta 6002604, cual ta referi tambe ariba 26 di april, dia internacional contra kehonan falso. Ariba dia aki ta para keto ariba e tantisimo kehonan falso cu ta wordo entrega na instancianan hudicial pa asina perhudica personanan inocente. Kehonan aki ta pone un peso grandi y

innecesario ariba podernan hudicial, ehecutivo y controlado. Esaki ta causa cu tin menos tempo pa traha ariba casonan real di violacion y abuso di mucha. Entrega un keho falso aki na Aruba, no solamente ta contra ley. Practica aki ta costa nos pais hopi placa. P’esey Fundacion Stop Kehofalso ta boga pa esunnan cu ta entrega y tambe esunnan cu ta sostene dicho keho, wordo castiga y obliga pa paga gastonan hudicial. Es mas, si esunnan cu a entrega of sostene e keho falso ta traha como ambtenaar y specialmente den un funcion pedagogico manera docente, nan mester wordo kita for di nan funcion inmediatamente. Personanan aki mester wordo impedi pa haci trabou cu mucha, no solamente akinan na Aruba, pero den henter Reino. Instancianan manera IPA of cualkier estudio pa un funcion pedagogico mester por nenga alumnonan of declara nan diploma nulo si acaso nan entrega un keho falso. Nos comu-



nidad mester duna un señal cla cu entrega keho falso ta algo inaceptabel. Caso aki di Othmar Matos por fungi perfectamente manera precedente pa esaki. Ta di spera cu CBS lo bin pronto cu cifranan cu ta muestra cuanto placa exactamente un keho falso ta costa nos comunidad. Gastonan haci den e caso di Matos por fungi man’e un base pa determina e suma di castigo. □

TA BUSCA

Pacifico Bar & Restaurant II

Paradera 166
ta busca un
ONDERHOUDSMAN
Tel: 582-4182

Prome cu solicita of yama, mester pasa registra na DPL Seroe Blanco #4, cu un cedula of papel di Afl. 5,= di Registro Civil entre 7:30 - 11:00 mainta di Dialuna pa Diabierna.

Santa Cruz ta parti paña diadomingo 1 di december 2013

ORANJESTAD - Comision di Ayudo Social Santa Cruz ta participa cu diadomingo awor 1 di december 2013, lo tin partimento di paña y otro articulonnan pa esunnan den necesidad. Esaki lo tuma luga na Centro San Martin for di 10’or di

mainta te cu 1’or di merdia. Esunnan cu tin paña y otro articulonnan pa comparti, por trece esakinan e mainta ey na Centro San Martin, for di 8’or di mainta lo tin hende pa ricibi nan. Pero si nos ta pidi pa no trece paña sushi, ni paña kibra tampoco paña

di abao. Esaki lo ta e ultimo biaha cu lo tin partimento di paña y por fabor no pone ningun paña of otro articulo na pastorie of na cas di zuster. Un danki di curason na tur esunnan cu a coopera cu nos durante e aña cu ta cabando. □

Papa Fransisco a ricibi un buki cu mas di mil mensahe di hobennan Ibero Americano

Buenos Aires, ARGENTINA - E papa Fransisco a ricibi mas di 1300 mensahe di hobennan cu a manda for di Argentina, Peru, Mexico, Chile, Colombia y Spaña den e dianan despues di su inauguracion, compila den un buki cu a wordo entrega na papa Fransisco. E proyecto a wordo realisa pa "Aula 365", un website educativo pa muchanan, crea pa e compa-

nia "Competir" y cu a conta cu e apoyo di "Multinacional Española Telefonica", asina e promotornan di e iniciativa aki a informa ayera na Buenos Aires, Argentina. E mensahenan cu a haya mas apoyo riba e website y cu a encabesa e buki tabata cuater hoben Argentino y un Chileno cu a logra emociona papa Fransisco, asina "Aula 365" a splica riba su website. □



Berlusconi expulsa for di parlamento Italiano

Roma, ITALIA - E Congreso Italiano a vota na fabor di expulsion di ex prome minister Silvio Berlusconi for di parlamento.

Berlusconi a sigura cu pesar di tur cos e no lo bandona politica. El a wordo exclui di eherce niun tipo di posicion publico despues di a wordo

condena di a comete fraude di belasting. E ex prome minister tin di enfrenta un otro acusacion pendiente di su apelacion, dor di a practica sex cu un prostituta menor di edad. Berlusconi di 77 aña, a bira prome minister di e pais 3 biaha y a bisa su siguidonan na Roma, cu e no lo bandona su carera politico. □

Syria lo manda un delegacion pa Ginebra

Damascus, SYRIA - Presidente Bashar al Assad di Syria a duna ordo pa manda un delegacion pa asisti na e conferencia di pas dia 22 di januari proximo cual lo tuma luga na Ginebra. Asina un fuente di e ministerio di relacion di exterior di Syria a confirma ayera diaranson na medionan di prensa Internacional. "E delegacion oficial di Syria no lo acudi na Ginebra pa bandona nan poder sino pa dialoga cu esunnan cu ta na interes di e

pueblo y a rechasa di exclui Bashar al Assad di e proceso politico, manera cu e paisnan occidental y e oposicion ta pidi.

Nos pueblo no lo permiti niun hende horta e derecho pa eligi su mesun futuro y su dirigentenan, ya cu e cos mas esencial na Ginebra ta pa subraya e derechonan di e pueblo di Syria y no esunnan cu a drama sanger di e pueblo aki", asina e ministerio a aña. □



Cantidad di mortonan na Filipina victima di horcan Haiyan ta sigui subi

Manila, FILIPINA- Autoridadnan di Filipina diaranson a bisa cu e cantidad di hende cu a muri a subi na 5.500. Esaki ta e balans temporario di e victimanan di e tifon Haiyan cu dia 8 ultimo a destrosa e region central di e pais. Den su ultimo informacion, e Consejo Nacional di Gestion y Reduccion di Riesgo di Desastre ademas a bisa cu e cantidad di heridonan ta 26.136 y 1.757 ta e cantidad di personanan perdi. E organizacion gubernamental a calcula cu 9.9 miyon di persona a wordo afecta pa e

tifon den 574 municipio cu 225.922 di e personanan aki ta kedando den 1.069 centro di evacuacion.

Gobierno, entidad priva di Filipina y organisacionnan no gubernamental a destina 547 miyon peso (12.5 miyon dolar) pa cuminsa cu e tareanan di rescate y rehabilitacion. E cantidad di mortonan lo por sigui aumenta, ya cu ta mas probabel cu por haya mas cadaver entre e ruinan durante e trabaonan di limpieza cu ta tumando luga den e zona afecta pa e tifon. □



Reino Uni lo mester respeta e derecho riba circulacion liber pa e por keda den e mercado Europeo



Bruselas, BELGICA- E comision Europeo a adverti Reino Uni cu e mester acepta e libertad di movimiento den Union Europeo (UE) si e kier keda den e mercado unico. E vice-presidente di e Comision Vivian Reding a bisa cu e circula-

cion liber di persona den Europa ta un derecho cu no por negocia. Esaki tabata Reding su contesta riba comentarionan anterior di e Prome Minister Britanico, David Cameron riba e medidanan nobo cu ta limita e inmigracion procedente di algun pais di e Union Europeo na Reino Uni y pa deporta esunnan cu no ta busca trabao.

Ta existi cierto apoyo na Gran Britania pa cu e asunto aki. Na Alemania, e coalicion nobo a sigura cu e lo disminui e incentivanan di e asina yama beneficiannan di turismo manera Austria y Hulanda ya caba a purba na pone un fin na e abuso di e liber circulacion den nan agenda Europeo. □

Mayornan di dos mucha deteni pa sospecho di secuestro di nan yiunan



Grupo di persona a purba di cende auto di Capriles na candela



Caracas, VENEZUELA- E lider di oposicion Venezolano Henrique Capriles Radonski a denuncia via su cuenta di Twitter cu un grupo di persona a purba cende su auto na candela, cun'e den dje. Esaki mientras cu e tabata saliendo for di e ciudad di Maracay. "Nan a purba di cende e unidad unda nos tabata moviendo na Maracay. Mi ta pidi boso mas cu nunca, pa sali bay vota", e lider opositor a señala via e red social. Di otro banda, e secretario general di OEA, Jose Miguel Insulza, a manifesta su preocupacion pa e hecho aki y a haci un apelacion na e forza politico di e pais pa dialoga. □

Arizona, MERCA- -Polisnan di e ciudad Mericano Tucson den e estado di Arizona, diaranson a detene un homber y un muhe bou sospecho di secuestro. Nan ta wordo secuestra di a mantene nan tres yiunan menor di edad cera den nan camber bou condicion no saludabel durante dos aña.

Polis local a declara den un conferencia di prensa cu e dos muchanan di 12 y 13 aña

a logra scapa y a avisa un bisiña despues cu nan padraastro supuestamente a purba dren-ta nan camber pa ataca nan cu cuchiu.

Durante investigacion, autoridannan a bin haya un di tres mucha cu tabata cera den su camber.

E hobennan a denuncia cu nan tabata bibando apart y a bisa cu nan no a wak otro den casi dos aña y cu nan no tabata tin mag di baña pa lunanan largo. □



Stadion di mundial a cay



Les a pagina B5

Dakota a keda sorprendi



Les a pagina B2

No sa ki pa spera na Sochi



Les a pagina B2

Futbol Menor:

Brazil Jrs ta sorprende Dakota



ORANJESTAD - Liga Hubenil di AVB a continua diasabra atardi cu e weganan den e division di Menor. Na tereno di Dakota, e muchanan di Dakota no tabata por cu e furia di Brazil Jrs kende a baha bin di Pariba di Brug dicidi. E muchanan di Marcelo Croes esta Brazil Jrs ta dal Dakota duro ganando cu e score di 5 - 0.

Den e otro weganan: RCA Insel Air ta dal SV United 2 - 0. E hungado Jeffrey Barrios ta score un gol olimpico den di dos tempo y Jesus Peñate ta score un bunita gol faltando 5 minuut pa wega caba. Aki RCA ta gana e campeon di aña pasa esta SC United y cu e victoria RCA ta subi pa e di prome luga. Na tereno di Estudiantes na Dakota, e ekipo di Britannia y Estudiantes a bataya den un wega cu a termina empatada y cu seis gol anota. E golnan di Britannia a wordo anota pa Aty Kock 1x, Robert Solognier 1x y Myron Carrion 1x, mien-



tras cu Jursen Feliciano, Gabriel Amel y Daniel Perez a score pa SV Estudiantes.

Den e otro weganan: Estrella cu su muchan-

an di Santa cruz ta suta e muchanan di Marcelo Croes di Bubali 5 pa 0. La Fama ta Sali victorioso riba Nacional / Washington 1 pa 0. □



Play-off Heineken den ful swing Royal Power ta kibra invicto di Mariners

ORANJESTAD - Diadomingo ultimo riba veld di Monserat e play-off di Heineken a continua. Mariners e ekipo cu e ingredientenan pa titula campeon den 2013 alabes invicto den e campeonato aki a enfrenta Royal Power un ekipo bastante hoben y aki Royal Power a haci locual nan ta conoci pa haci den play-off y a duna 100% di nan disci-

plina. Pitcher campeon di e campeonato Arjen Mathilda di Mariners cu 5 victoria y 0 derota no por a wanta e bateria di e hobennan di Royal Power kendenan a haci uzo di e parke di Monserat completo esta skina pa skina den combinacion cu hopi speed riba base treciendo un desbalansa den e cuadra di Mariners. E unico trabou cu e vetera-



no den aliniacion tabata Poy Flanegin kende a subi monticelo cu e intencion serio pa kibra invicto di Mariners. Aruba conoce Poy den weganen importante ta dificil pa gana. Finalmente Royal Power ta knockout Mariner 13-3. Royal Power ta anota 13 careda, comete 14 hit, y 2 eror. Mariners ta anota 3 careda, 7 hit, y 3 eror. Poy Flanegin ta cubri henter e ruta pa seya e prome victoria den e serie. Arjen Mathilda ta resulta pitcher perdedo ricibiendo relevo di Efraim Leon den di 4 inning. Miho



batiadonan pa Royal Power a resulta e Champion Batter di campeonato 2013 Gregory "Pilin" Krosendijk kende a bay di 4-3, Angelo Arnold tambe a bay di 4-3, Edward Cannister y Dijendrick Croes ambos di 4-2 y Joel Flanegin di 3-2. Pa Mariners a destaca na bate den causa perdi Franco Wouters, Hubert Lampe y Ryan Lampe tur di 2-1, mientras Arjen Mathilda

a bay di 3-2. Royal Power ta pica 1-0 dilanti den e best out of three. Diasabra awor pa 3:45 di atardi riba veld di Monserat na Noord. Montaña Braves lo enfrenta Macuarima Indians den nan di 3 wega cual lo ta un wega crucial. Ganado lo sigui pa e siguiente buelta, mientras e perdedo ta bisa ayo na e campeonato 2013. Softball fastpitch a la carga. □

Play-off HEINEKEN di Aruba Softball Bond a inicia

ORANJESTAD - Diadomingo ultimo Play-off HEINEKEN AA masculino a inicia ariba veld di Monserat. Play-off softball ta wordo hunga di acuerdo cu reglamento internacional, pues Page system play-off. Macuarima Indians kende a termina na di tercer lug den campeonato regular a enfrenta Montaña Huan Zham Braves kende a termina na di 4 puesto. E dos ekiponan aki a hunga un double header diadomingo di nan serie di best out of 3.



Den e prome wega Macuarima tabata ganando comodo den e prome 2 inning, pero e muchanan di capitan Fico Albertsz y Robby Tromp no a baha cabes y a rally pa bin empata e wega na 7 careda den di 6 inning y ta rally un biaha mas pa gana nan prome partido. Montaña Braves 10 careda, 13 hit, 3 eror. Macuarima Indians 7 careda, 4 hit, 1 eror. Carlos Croes ta cubri henter e ruta y ta pone e prome wega riba su number. Lucio Geerman ta habri pa Macuarima y ta wordo releva den 4 inning pa Elvis Maduro kende a drenta cu e gasolin pa paga e candela y Elvis na su turno ta wordo releva pa Benjamin Geerman. Benjamin tambe ta wordo releva pa Henk Arnold kende den un movimiento raro ta ricibi un lesion fuerte na su brasa y ta bandona e partido unda Carlos Mejia ta trece bek Lucio Geerman pa termina e partido.

Benjamin Geerman sinembargo ta bay cas cu e derota. Miho batiadonan pa Montaña Braves ta Carlos Croes, Andre Paskel di 4-2, Kendrick Dorothal 5-2,

Xerxes Croes 3-3 y e veterano Robert Tromp di 4-3. Pa Macuarima a destaca na plato Ludwin "Win" Dabian 3-2, Edgar Flanegin y Kenroy Geerman ambos di 2-1. Mesora manera e prome wega a termina e dos ekiponan aki a hunga un biaha mas nan di dos wega unda Macuarima ta responde y ta gana e di dos partido pa mesora empata e serie na 1 pa banda.

Macuarima Spark Elektra 8 careda, 8 hit, 2 eror. Montaña Braves 2 careda, 4 hit, 2 eror. Benjamin Geerman ta bay 4 inning y ta wordo releva pa Lucio Geerman y ta resulta e pitcher ganado. Carlos Croes a preta brasa pero mester conforma su mes cu e derota den e di dos wega. Pa Macuarima Robertino "Tuttu" Koolman ta bay di 4-3 y Kenroy Geerman di 3-2. Pa Montaña Braves Elgiomar Faro ta bay di 3-2 mientras Lendl Dirksz ta bay di 2-1.

Diasabra awor 30 di november pa 3:45 di atardi e dos ekiponan aki lo enfrenta otro den un wega decisivo riba veld di Monserat. Un pa tera y un pa lama. □


www.leaguelineup.com/abba
E-mail address: arubabaseball_2000@yahoo.com

Playoff Final

#	DIA	FECHA	ORA	HOME- TEAM	VISITORS	SCORER	MOD
1	DIARANZON	11-27-13	19:45	Red Machine	Ceres Brazil	Wester	Geerman
2	DIAHUEBS	11-28-13	19:45	Ceres Brazil	Red Machine	Laurant	Roga
3	DIASABRA	11-30-13	19:00	Red Machine	Ceres Brazil	Wester	Roga
4	DIADOMINGO	12-01-13	18:00	Ceres Brazil	Red Machine	Laurant	Geerman

SI TA NECESARIO PA WEGA NR. 5 LO TOSS

5	DIAMARS	12-03-13	19:45	Red Machine	Ceres Brazil	Laurant	Chirino
---	---------	----------	-------	-------------	--------------	---------	---------

Reglanan di play-off

- Ta hunga conforme e reglanan vigente di ABBA y official baseball rules;
- Tur team participante mester ta puntual na stadion;
- Waiting-time ta 15 minuut sin excepcion;
- Pa e weganan di play-off no tin timelimit, pero e teamnan mester zorg pa e weganan bai lihe;
- Managernan mester entrega nan lineup 30 minuut prome cu cada wega;
- Ningun hungado mag di bandona tereno sin previo permiso di e chief-umpire;
- Teamnan mester ta debidamente uniform;
- ÉXITO NA E TEAMNAN FINALISTA!!!!

Directiva di ABBA



New York Yankees a reuni cu agente di Robinson Cano

New York, MERCA – E agentenan di Robinson Cano a reuni cu New York Yankees, segun un fuente na AP.

E diferencia entre e posturanan di ambos parti ta sigui di ta amplia, e fuente ta sigui bisa.

Ayera un biaha mas Yankees y e agentenan mester a reuni. Cano a wordo representa pa Brodie Van Wagenen y Juan Pérez, di CAA Baseball, mientras cu New York Yankees tabata presente e presidente di team, Randy Levine y gerente general Brian Chashman.

E Dominicano no a acudi na e reunion.

Cano kier un contract di 10 aña na balor di \$310 milyon, pero New York Yankees a ofrece e hungado un contract di 7 aña na balor di 160 milyon dollar. □

Ex hungado di New York Yankees a firma contract



Chiba, HAPON – E team Lotte Marines di e Liga Pacifico di Hapon a bisa cu nan a firma ex hungado di New York Yankees e infielder Luis Cruz. Nan a firma un contract di 1 aña na balor di \$750,000.

E hungado di 29 aña, cu a split e temporada di 2013 entre Yankees y Los Angeles Dodgers, tin averahe di bateo di .234 cu shete homerun y 57 RBI den 195 wega den mas di cinco temporada di Major League Baseall.

Un nativo di Mexico, e ta representa su pais den e Serie Mundial Clasico na 2006 y 2013. Marines a sigui bisa cu nan a firma un biaha mas e primera base Craig Brazell y e pitcher man drechi Carlos Rosa pa e siguiente temporada. E terminonan di e acuerdo no a wordo divulga. □

FIFA ta mantene sancion contra Ucrania pa insultonan racista



Zurich, SUISA – FIFA a bisa di rechasa e apelacion di Ucrania contra e sancion cu a wordo poni despues cu fanaticonan a abusa racial di nan propio hungado scur y a uza saludo di Nazi.

Anteriormente FIFA a critica un incidente di “berguensa” durante e wega di clasificacion di Copa Mundial na Lviv, cual ta bid pa ta e anfitri-

on pa 2022 Winter Olimpico. FIFA a bisa cu Arena Lviv a wordo exclui for di lista pa e clasificacion pa e Copa Mundial 2018.

Ucrania tambe mester hunga su prome wega na cas durante e clasificacion di 2018 den un stadion bashi. E federacion di futbol di Ucrania, cu a ricibi un boet di 45,000 Swiss Francs (\$50,000), por

apela na e Corte di Arbitrario di Sport.

FIFA a tuma accion segun informacion di Fare cu a monitor e grupo, cu a asisti na e victoria di Ucrania 9-0 contra San Marino dia 6 di september. Fare a bisa “saludo Nazi y zonido di macaco racista contra di Edmar,” un hungado Brasileiro-Ucarnio cu ta color scur. □



Tres persona a fayece momento cu stadion a cay

Sao Paulo, BRAZIL – Un parti di e stadion cu lo ta e




anfitrión di e prome wega di Copa Mundial Brazil 2014 a cay ayera, causando hopi daño y tres persona a fayece, segun autoridad.

E accidente por trece retraso pa entregamento di e stadion na Sao Paulo pa cu e fecha stipula di FIFA unda cu 12 stadion mester ta cla pa december. Tur trabou na e stadion Itaquerao a wordo para, cu practicamente tabata cla prome cu e stadion a cay.

Imagennan na television a mostra con e structura metal tabata dobla, destruyendo parti di e standnan den e area Oost di e stadion. Un panel di LED instala pafo di e stadion tambe a wordo benta abou.

Segun bombero Mauro Lopes, tres persona a fayece den e accident, cual aparentemente a pasa ora cu un “crane” a cay riba e parti halto di e structura metal. E “crane” tabata instalando e ultimo parti di structura. E accident a sosode den oranan di merdia, hopi trahado no tabata na e sitio. □



Lindsey Vonn no ta sigur kico ta e posibilidad na e Olimpiada di Sochi

Colorado, MERCA – Lindsey Vonn a bisa cu e no ta sigur ainda cu efecto su ultimo herida di rudia lo tin riba dje na Olimpiada di Sochi. E campeón di olimpico 2010 di “downhill” a bisa cu su plannan ta pa ski un biaha mas den e dianan binidero y “si cosnan bay bon,” e lo participa otro si-

man na e eventonan di Copa Mundial na Canada. E ta sigui bisa, “si nan no ta soporta, e ora mi lo mester reevalua y mira unda mi ta y si mi por bin bek pa e temporada aki.” Siman pasa Vonn a cay abou durante e training y parcialmente ta ranca un ligamento drecha di su rudia drechi. □



Ticket pa wega final di Copa Mundial di Rugby 2015 lo costa te cu \$1,160

London, INGLATERA – E ticketnan final pa e Copa Mundial di Rugby 2015 na Twickenham lo costa te cu \$1,160. E organisadonan a anuncia ayera detayenan di e prijs pa e ticketnan y orarionan pa e torneo na Inglatera faltando dos aña. E final di dia 31 di october lo cum-

insa pa 17:00 GMT, cu lo ta na New Zealand. Ora cu e ticketnan sali na september proximo, nan lo cuminsa pa e final na 150 pond (\$240) – mas o menos 25% menos cu e prijs mas abou cu e final di 2011 – y e ticket mas caro lo ta di 75 pond (\$1,160), cu ta mas o menos 10% mas hopi. □





Exposicion di Pasco!

Pagina B9



Muchanan ban pinta pa Sinterklaas y gana premio

ORANJESTAD-- BON DIA ARUBA a ricibi un peticion special di Sinterklaas. Sinterklaas a laga pone un pintura di dje cerca nos, Sinterklaas a pidi nos pa bisa tur mucha pa pinta e pintura riba pagina B 7. Ora bo tin bo pintura cla bo ta skirbi bo nomber, adres y number di telefon di mami of di papi. Bo ta pinta mas bunita posibel. Bo por uza tur herment pa pinta, corda si cu stift ta sali mas bunita cu potlood. Nos tin diferente premio pa mucha den tres diferente categoria di 4 -5 aña; di 6 -7 aña y di 8 pa 9 aña. Muchanan di 1 pa

3 aña tambe por participa y gana premio. E ganadonan di e tres categoria ta wordo invita pa busca nan premio y ariba e dia ey nan ta bolbe competi cu otro pa wak ken ta bira e ganado absoluto. No lubida pinta bunita, uza color bunita y trece bek na oficina di BON DIA ARUBA, Weststraat 22. Ultimo dia pa entrega e pintura ta dia 4 di december pa 12'or di merdia. Despues di e dia y ora stipula no por ricibi mas pintura. Si abo gana papi y mami tambe ta gana un premio special pa un luna largo ☐

Pagina B7

SINTERKLAAS

Ta cu: **Bon Dia Aruba**



Number:
Adres:
Edad:
Tel: email:

Entrega bo pintura na oficina di Bon Dia Aruba Weststraat #22

Famia Willems ta di fiesta celebrando nan Boda di Diamanta



ORANJESTAD- Diamars 26 di november 2013 e pareha, Jose de Jesus Willems y Flavia Thelma Willems-Van Henningen ta recorda cu 60 aña pasa nan a drenta e boto matrimonial.

Nan ta recorda y celebra esaki den compania di nan 5 yiu-, 9 nieto y 7 bisanieto. Felicitation ta bin di nan 5 yiunan: Mercedes, Maria, Josefa, Willy y Claudia. Rumannan, famia y cono-

cirnan y demas famia na Hulanda, Curaçao, St. Maarten, Colombia, Merca y rond di mundo ya cu e feliz pareha aki di Thelma y Jose ambos (tabata) tin 10 ruman. □

“Siguiendo grandioso Mercado di Santa Rosa lo ta riba Dia di Betico”



ORANJESTAD- Durante e ultimo añanan Departamento di Agricultura, Cria y Pesca cariñosamente yama Santa Rosa a sa di gana e confiansa y sosten di pueblo completo por medio di diferente proyectonan pa cu e sector primario di nos pais.

Un di e proyectonan cu mas a sa di resalta entre nos comunidad ta e Mercadonan di Santa Rosa, unda cu ta duna e Agricultor, Criado y Piscadonan local e oportunidad pa vende nan productonan cu tan duro nan a traha pa cosecha, cria y pesca y alabes ta brinda pueblo e oportunidad pa cumpri nan productonan produci localmente cu ta miho pa nan salud.

E Mercado di Santa Rosa a sa di converti su mes den mas cu un simpel localidad pa vende producto, unda cu durante e añanan e Mercadonan a bira

un lugar unda grandi y chikito ta disfruta di un dia yena cu ambiente, cuminda crioyo, productonan local y unda cu famia y amigonan ta topa otro pa recorda y celebra nos historia, cultura y e beyesa di e sector primario.

Mas ainda, e Mercado di Santa Rosa a sa di mobilisa su mes pa diferente localidadnan durante aña unda cu hunto cu e barioman a celebra diferente dia importante. Cu orguyo Santa Rosa ta prepara e Mercadonan aki pa e Agricultor y Criadonan kende a pesar di e temporada di segura cu nos isla ta pasando aden a sa di cosecha y cria nan bestianan por medio di maneranan innovativo demostrando nan amor y dedicacion pa nan ofishi y e produccion di productonan local. Cu mes un orguyo cu Santa Rosa ta prepara su Mercadonan, pueblo completo ta ricibi e pro-

ductonan di nos Agricultor, Criado y Piscadonan, un sosten cu por wordo mira na cada Mercado cu ta conta cu un cantidad sumamente grandi di bishitantenan.

“Nos ta sumamente gradicido na nos Agricultor, Criado y Piscadonan kende ta traha duro den nos solo cayente pa por provee nos pueblo cu productonan fresco y local. Nos ta confia y kere 100% den productonan cu ta wordo cosecha y cria por medio di e dedicacion di nos Cunukeronan. Na varios ocasion nos a wordo demostra cu nos producto local ta di calidad sumamente halto, algo cu sigur ta yena nos cu orguyo.” Directora di Santa Rosa, Sra. Nathalie Maduro a expresa.

Directora Maduro a sigui na expresa “Nos no por keda sin gradici pueblo completo pa e sosten inmenso cu nan ta brinda nos Mercadonan y nos Sector Primario, como tambe tur e empleadonan di Santa Rosa kende ta prepara y organisa e Mercadonan aki cu hopi amor y dedicacion”

Departamento di Agricultura, Cria y Pesca kier expresa palabranan di gradicimento na tur e Agricultor, Criado, Piscado y na pueblo completo pa e sosten cu e Mercado di Santa Rosa a ricibi durante aña 2013. Y ta priminti cu aña 2014 lo ta uno yena cu sorpresa y Mercadonan mas grandi y espectacular cu nunca.

Tambe e Departamento kier informa cu mirando e temporada di segura cu nos isla a pasa aden no lo tin Mercado

pa e luna di december, sinembargo Santa Rosa kier urgir tur Agricultor, Criado y Piscadonan cu tin producto pa vende pa tuma contacto cu e Departamento na 585 8102 pa asina por yuda vende e productonan aki.

E siguiente Mercado di Santa Rosa lo ta riba Dia di Betico unda cu ya hopi Agricultor y Criadonan a cuminsa prepara nan plantacion y bestianan pa asina yena e Mercado aki cu

un surtido grandi di productonan local.

Na nomber di Minister di Turismo, Transporte, Cultura y Sector Primario, Sr. Otmar Oduber, Santa Rosa kier gradici pueblo y specialmente tur Agricultor, Criado y Piscado pa e sosten pa cu e sector primario di nos pais.

“BAN SOSTENE NOS CULTURA, PRACTICA CRIA, PESCA Y AGRICULTURA” □

Tiramento di lot pa Festival di Aguinaldo

ORANJESTAD- Manera Aruba completo ya sa Festival di Musica y Paranda di Aguinaldo ta diasabra dia 30 november 2013 den Piedra Plat Entertainment Center!

E tiramento di lot di e anochi bunita aki lo ta dialuna awor dia 25 di november na Urataka Center pa 7or di anochi.

Como cu ainda tin algun tent disponibel lo tin un rato prome cu e tiramento di lot esta 5.30 di atardi oportunidad pa inscribi pa tent pa vende cuminda di Pasco. E cantidad cu falta no ta dje hopi ey. Pues esun cu bin prome ta bebe awa limpi! Nos ta pidi na tur cantante y representante(nan) di grupo musical pa bin na ora pa asina tur hende haya mesun informacion y nos

por caba na tempo.

Un biaha mas Arubatur hende ta cordialmente invita!!

Bin scucha nos cantantenan interpreta e musica di Aguinaldo cu hopi hende a keda stima semper!!

Ta sigur cu e competencia pa e Prome Reina of Rey di Aguinaldo di Porta lo ta fuerte.

Pero mas importante ta pa nos haci e un anochi hopi bunita!!

Y shonnan, corda tambe cu pa 5'or di atardi lo cuminsa cu benta di cuminda di Pasco!!

Pa nos ta barica yen y feliz pa gosa di e Aguinaldo dushi cu lo bay resona.

Pa mas informacion yama:592-1198

Biba Aruba su Aguinaldo, biba Aruba su tradicion □

CHRISTMAS TOWN EXPO a yega, hunto cu e dushi temporada di Pasco

ORANJESTAD- Bishita CRISTMAS TOWN EXPO cu bo famia y gosa di un dia super agradabel, unda lo bo por saboria e dushi aya-canan, ponche crema traha na cas, pan de jamon y otro delicia mas, gosa di e sabor di e diferente bebidanan cu e participantenan lo tin pa ofrece. Bin baila riba dushi ritmo di gaita y disfruta di diferente shownan di moda. Lo bay tin diferente fundacionnan tambe presente cu nan decoracion di Pasco. Si



bo ta interesa pa mueblenan bunita, un bunita hardin, bo kier duna bo sernan keru un regalo super diferente manera un auto di HONDA, regalo di Gift Baskets, Arubachocolate.com, Something Different, Jola's Boutique, Diclas Bookstore, Dufry, Blu Products y hopi hopi mas, bo ta mas cu bon bini na CHRISTMAS TOWN EXPO e weekend aki. Dia 29 di November cuminsando pa 5'or di atardi pa 10'or di anochi lo tin e Red Carpet Event. Entrada pa e anochi aki lo ta Awg 100,- pa dos persona. Dianan 30 di November y 01



di December 2013 Christmas Town Expo lo ta habri for di 1'or di merdia pa 9'or di anochi. Entrada lo ta Awg 7,50 pa persona.

Reserva e fechanan 29, 30 di November y 01 di December pa CHRISTMAS TOWN EXPO e actividad mas grandi pa e fin di aña aki. □



**S.V. BUBALI TIN SU
GRANDIOSO
BINGO!!!!**

FECHA: DIABIERNA 29 NOV 2013
LUGAR: BUBALI SPORT CLUB
ORARIO: 8:00 PM



CARCHI OBTENIBEL SERCA TUR MIEMBRO OF JAMA
NA CEL: 6412680 – 5641769 – 5618292

REGISTRACION DESDE 6:00 PM

Sanger zwak

Pa: Dr. Carlos Viana

Persona nan den un famia pa-sobra nan ta relaciona dor di sanger y “sanger semper ta mas diki cu awa” ta un dicho cu tlier bisa bo cu bo afinidad cu bo famia di sanger ta mas fuerte cu e relacion cu bo tin cu bo amigonan. Ora bo bia sanger ta mas diki bo ta compara tambe e diki di e sanger (relacion di famia) na e diki di awa (amistad) y nos por bisa cu nos relacion nan di famia ta mas importante cu nos relacion cu amigonan.

Ta hopi interesante pa observa cu no tin nada bisa acerca di “sanger zwak”, na unda bo kier duna du compronde, no suficiente cel nan cora den sanger, tambe conoci como anemia. Un di e problemanan mas comun di sanger, bo ta bira anemico ora e number di cel nan saludabel cora bira menios den bo curpa. E cel cora cu ta den forma di un disco ta contene hemoglobina, un molecule unico cu ta hiba oxigeno pa tur e tehidro nan di e curpa.

E sintoma mas comun di anemia ta palidez di e cuero, acompaña dor di perdida di e color ros na e lip nan, e paden di bo wowo, y e reis di bo hña nan. Otro sintoma nan comun di anemia por inclui: iritabilidad, fatiga, mareamento, falta di enfoke, y batimento di curason mas lihe. Dependiendo di e condicion cu ta causando e anemia, bo por ripara otro señal nan y sintoma, manera Juan dice (cuero ta bira geel), urina di color di te sterki, blausa lihe of sangra lihe y e higra y e bofi ta crece.

Desafortunadamente, hopi dokter no ta descubri anemia te ora nan no haci un test di sanger como parti di un examen fisico rutina. Un conteo completo di sanger por indica cu tin menos cel nan di sanger cora cu normal. Otro tipo di test pa diagnostica por inclui un smeer di sanger na

unda hopi biaha por indica e causa di e anemia. Ora bo test di sanger ta indica cu e nivel nan den e suero di hero y feritin ta abou, locual ta yuda indica si bo anemia ta debi na falta di hero, majoria di doctor ta prescribi suplementacion di hero. Locual ta fout, pasobra e unico cos cu bo ta logra cu esaki ta sufri di bariga sera.


Ta di lamenta, cu hopi doctor no ta aprecia cu bo sanger di un fraña smal di hero cu por yuda den produci cel nan cora di sanger. Corectamente, falta di hero por causa anemia. Mescos, demasiado hero tambe ta causa algo cu parce anemia. E reaccion demasiado lihe di doctor nan recetando hero por ta hopi peligroso!

Hemoglobina no ta hero! Desafortunadamente doctor nan ta prescribi hero pa hende nan anemico cu a test di tin hemoglobina hopi abou. Si, e pashent ta anemico, pero e hero por ta ser colecta y warda en bes di bay den e hemoglobulina. E persona nan aki tin demasiado hero. Hopi descendiente di hende nan Africano ta sufri di e condicion aki. Nan mester saca e hero aki pesar di tin anemia. E tipo di anemia aki mester wordo trata cu vitamina B, specialmente B12, B6 y acido folico. Aunke e vitamina nan di e grupo B semper mester wordo tuma cu un B complex, e e B nan specifico aña di riba un base personal y segun necesidad di cada cual bou vigilancia di un nutricionista certifica. Banco nan di sanger specialmente tin e idea cu hero ta mescos cu hemoglobina. Nan tin lista nan largo di alimento nan cu ta rico na hero pa entrega na e dunado nan di sanger cu ta presenta cu hemoglobina abou. Invariabel mente nan ta bisa e persona nan aki: “bo hero ta bou”

Hopi di nos pashent nan na nos clinica Natural cu tin ane-

mia di tipo di sanger A. hende nan cu sanger tipo A ta sufri di un deficiencia di acido di stoma cu ta haci masha dificil e absorcion di hero den nan alimentacion. E otro desaster nutricional ta producto nan di lechi. Lechi no ta bon pa ningun hende, y pa e mayoria di departamento di salubridad publico na mundo e ta un desaster. No tin ningun otro animal na mundo cu ta bebe lechi di baca, ni sikiera e bishe una vez e kita di e tete. E fayecido Dr. Benjamin Spock, un di e autoridad nan den cuido di mucha, a critica masha e hecho cu nos ta cria nos yunan cu lijm di baca, bisando cu e por causa anemia, alerga, y diabetes den termino largo, e ta pone e mucha cla pa ta un adulto obeso cu problema di curason, e causa number uno di mortalidad na Merca.

Innumerabel Arubiano y Mericano por bay atras den nan arbol genealogico y haya antepasado nan di origen bien sea Portugues, Spaño, Italiano, of Griego. Hopi di e descendiente nan di e rasa mediterraneo a hereda e deficiencia yama G6PD of “Glucose-6-phosphate dehydrogenase deficiency”. E cel di sanger cora di e individual cu tin e condicion aki of no ta traha suficiente di e enzim G6PD of e enzim cu si ta wordo produci ta abnormal y no ta traha bon. Ora un hende cu a nace cu e deficiencia aki hanja un infeccion, y bebe cualkier remedi a base di sulfa, of ta ser exponi na holo di campher, of ta come bonchi di Fava e celnan di sanger cora ta sufri di stress extra. Sin e G6PD adecuado pa proteha bo di nan, hopi cel di sanger cora ta ser destrui prematuramente. Suplementacion cu hero no ta yuda, simplemente e ta haci e situacion pa cel di sanger cora hopi mas stresante. Tin un test di sanger masha simpel pa



check pa e condicion aki, cu di otro manera ta keda sin detecta.

Get the point! Ami tin cuatro amigo cu mi no ta laga cay pa ningun miembro di famia sin pensa dos biaha. Tin un proverbio Venezolano cu ta bisa “Sanger bo ta hereda, virtud ta adkiri”. Individuonan cu tipo di sanger A, of esunnan cu tin overload di hero of cu ta sufri di deficiencia di G6PD por adkiri e virtud di salud dor di sinja nan mes un miho doctor.

Si abo a ser diagnostica di tin sanger zwak, no keda satisfecho cu suplementacion di hero, pasobra esaki por ta matando bo mas lihe. Bin cerca nos pa un consulta pa haya sa e rijs di e causa di bo anemia.

CARLOS VIANA ta un dokter (Ph D) den Antropologia Medico, e ta un Doctor den Medicina Tradicional Oriental studia na Shanghai, China; nutricionista clinico certifica. Tambe miembro di directiva di e Asociacion di Profesion-alnan den tratamiento di adic-

cion ytoxicologia, Presidente di e comite pa America Latino di e Academia Internacional di Medicina Oral y Toxicologia. Dr. Viana tin un programa di radio tur siman, ta scirbi y duna lecturanan extensamente. Pa mas informacion di e servicionan na VIANA NATURAL HEALING CENTER NV, Kibaima 7, Tel 585 1270 Web sight: www.vianaheal.com

“Prescriptions from Paradise” - 2012 International Book Award Winner - ta obtenibel na Aruba na Viana Healing Center, Tur libreria, Gift shops y centro nan di salud di calidad. tambe ta disponibel den forma do print y pa Kindle download pa nos amigo nan pafo di Aruba na www.amazon.com Pa anuncio nan acerca di mas evento nan y firmamento di buki check, check corant nan local, radio y television tambe como riba www.vianaheal.com y join e discusion riba nos Facebook pagina: www.facebook.com/prescriptionsfromparadise.



AGI **DD** **ZRT**

*Food & Chemical Sensitivity Testing
*Specialized Hormone Testing
*Toxic Heavy Metal Testing
*Amino Acid Check

www.vianaheal.com
vianaheal@gmail.com

Kibaima 7
(schuin tegenover di Drive-in)
www.facebook.com/vianahealingcenter



Viana
HEALING CENTER

BUSCANDO ALIVIO ? 585-1270

DOLOR – DRUMI – STRES - ALERGIA – Problema cu STOMA, PMS, MENOPAUSIA, KEINTURA OF GRIEP Chronico – FERTILIDAD, EMBARAZO Natural, Post-Partum – ADICTION (Alcohol, Tur clase di Droga, Gamble, Sexo, BAHU PESO) - Problem di ENVEHECE of OTRO MALESA - Pa tur edad!

Gift certificates, Healthy products

Special pa Local
2 - 4 - 1
Acupuncture
Tur Dialuna & Diaranson!

Take home PARADISE



International Book Award WINNER

“CARLOS M. VIANA, PhD, DPM, DABCO”

In Book & Gift shops, Botica's
facebook.com/prescriptionsfromparadise

E-Book on amazon kindle



Biba cada momento

" Señor ta mi wardador, mi n' tin falta di nada;
Den cunucu di yerba berde, E ta ponemi sosega.
E ta hibami na awa tranquil, pa mi bolbe haña forsa. "
Ps. 23:1,2,3

Cu inmenso tristeza na nos curazon, nos ta participa cu cristianamente a fayece inespera:



Rosalinda Williams-Wever
mihor conoci como: "Linda", "Shon Lin"
23 februari 1924 - 22 november 2013

Na number di su

Yiunan:

John Williams y famia
Patricia der Meer-Williams y Stanley der Meer y famia
Gloria Lopez-Williams y Edwin Lopez y famia
Rita Williams
Betty Williams y Guenther Bosse y famia
Edward Williams y Joyeuse Williams Mars y famia
James Williams y famia
Jerry Williams y Sharine v/den Berg y famia
Jacinto Williams y Miriam Williams Boekhoudt y famia
Joseph Williams

Amigo di cas: Ety Toppenberg

18 nieto y nietanan

8 bisanieto y bisanietanan

Subrino y subrinanan

Demas famia na Corsow, Sint Maarten, Saba, Hulanda, Surinam, Haiti, Merca, Aruba

Conocirnan, compañero y compañeranan di Cas di Cuido na Palisaweg, Flor di Brazil y Flor di Violeta

Famianan: Williams y Wever, der Meer, Lopez, Bosse, Mars, Tanamal, v/den Berg, Harms, Boekhoudt, Croes, Kock, Wout, Thielman, Lampe, de Cuba, Tromp, v/der Linden, Vrolijk, Guicherit, Thijsen, Punselic, Peterson, Geerman, Franca, Robert, Ras, Maduro, de Lange, de Kort, Quandus, Faro, Amstelveen, Warner, Fräser, Blijden, Toppenberg, Webb, Le Grand, Irwin, Janssen, Kely y Beauperthuy

y demas famia ta invita tur amigo, bisiña y conoci pa asisti na e acto di entierro cual ta tuma lugar diahuebs 28 november 2013 pa 4'or di atardi saliendo for di the Olive Tree Funeral Home pa santana catolico na San Nicolas. E resto mortal lo ta reposa for di 2'or di atardi na the Olive Tree Funeral Home - San Nicolas.

Na lugar di flor of krans un donacion pa "F.A.V.I." lo ta altamente aprecia. Lo tin un box disponibel den the Olive Tree Funeral Home pa e bunita gesto aki.

Adres pa condolencia: the Olive Tree Funeral Home - San Nicolas
Diaranzon 27 november 2013 di 7'or pa 9'or di anochi

Nos ta lamenta cu despues di entierro nos no por ricibi bishita di condolencia na cas.

Ultimo dia pa contribui na Koningin Wilhelmina Fonds Gillette Novembarba

ORANJESTAD -- Gillette pa asina contribui cu afl 3
Novembarba ta den su etapa den e fondo di Koningin
final na unda ainda tin chens Wilhelmina Fonds cu

solamente un upload di un
potret na unda ta show un
mustashi of barba.

E fundacion e aña aki ta
bata hopi activo pa cu e
conscientisacion di e malesa
di cancer di Prostaat na unda
siman pasa tabata tin un
lectura referiendo e tema pa
asina cuminsa na conscientisa
mas riba e topico.

Ultimo dia pa por upload
ta diasabra awor pa 11.59
pm. Cu solamente un
upload lo por genera fondo
pa por duna e fundacion di
Koningin Wilhelmina Fonds.
Gillette ta yama danki di
antemano na tur cu ta aporta
cu e conscientisacion aki y
keda pendiente pa mas di
Gillette den 2014. Pa upload
subi www.facebook.com/compranv.



"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Cu honda pena, pero conforme cu boluntad di Dios ta
anuncia fayecimento tragicamente di:



Ruben Dario Caraballo
mihor conoci como "Mocho"
*20-02-1966 †25-11-2013

Acto di entierro lo wordo anuncia despues.

Adres pa condolencia: Maracastraat # 47, diahuebs 28 y
diabierna 29 di november 2013 di 7'or pa 9'or di anochi.



Na memoria di

Maria Alberta Figaroa-Vries y Guiseppe Johannes Figaroa

'Berta' y 'Seppie'



*14 sep.1932 - †29 nov.2008
*23 dec.1960 - †5 nov.1978

Pa medio di esaki nos kier invita tur famia, amigo y cono-
cirnan pa un Santo Sacrificio di Misa pa recorda 5 anja di
fayecimento di Berta y 35 anja di fayecimento di Seppie.

Dia: Diabierne 29 di November 2013 pa 7'or di ano-
chi na misa Inmaculada Concepcion na Santa Cruz.

Na number di Guillermo Figaroa y yuinan.



Biba cada momento

Invitacion

Gradicimento di parti di su
mama, esposa, yiunan y de-
mas famia nos kier a invita
pa tres santo sacrificio di
misa pa descanso di alma di
nos defunto stima:



Reynaldo Rosario
"Chino",
"Rino" Franken

Alaves nos kier a haci un
invitacion pa 3 santo sacri-
ficio di misa:
Diahuebs 28, Diabierna 29
y diasabra 30 di November
2013 tur pa 7'or di anochi
na Misa San Francisco na
Playa. Boso presencia ta al-
tamente aprecia.



Serlimar cu containernan na Noord

ORANJESTAD - Diadomingo awor 1 di december, Serlimar lo ta poniendo containernan na e tereno dilanti Felipe B. Tromp, specialmente pa habitantenan di Noord y vecindario. E orario lo ta di 8'or di mainta pa 3'or di atardi. Falta menos cu un luna pa Pasco, pues probecha di e oportunidad unico aki cu Serlimar ta ofrece e diadomingo aki na Noord.

CAYA DI MEDIO AMBIENTE

Serlimar ta recorda cu ta organisa dicho proyecto den e concepto di "caya di medio ambiente". En breve, e "Caya di Medio Ambiente" ta encera e deposito separa di materialnan di desperdicio den nan respectivo container. Pues deposita e siguiente tipo di desperdicio separa den nan container, esta: desperdicio di construccion of mata, des-

perdicio di cas general y artefactonan di metal (wasmashin etc.). Nos trahado lo dirigi bo den esaki y nos ta conta cu e cooperacion di un y tur.

DESPERDICIO CU TA WANTA AWA

Tambe, nos ta recorda cu tur obheto bieu of kibra y cu ta tene awa ta criadero pa dengue. Esaki no mester ta necesariamente na bo cas. Pero si den cercania di bo cas tin

desperdicio manera tirenan bieu, wasmashin bieu of loke sea cu ta wanta awa, por fabor lanta nan y tira nan afo. Maske cu e no ta bo desperdicio, esaki por bira criadero di dengue y por ta un peligro pa bo cas.

DESPERDICIO POR TA PELIGROSO DURANTE MAL TEMPO

Corda nos ta den pleno temporada di awasero. Pues ma-

terialnan di desperdicio durante un mal tempo por bira obhetonan cu por ocasiona daño na bo propiedad of di otro. Pa e motibo aki, nos ta curasha e limpieza paden y tambe pafo di cura.

Pa mas informacion, comunica libremente cu Serlimar na 5845080 of bishita nan website www.serlimar.org, pa e schedule completo of nan facebook fanpage. □

Felicitation pa atleta Tashaina Seraus cu su logro historico den bowling mundial



ORANJESTAD - Atletanan di Aruba ta sigui cosecha éxito den torneonan internacional renombra den exterior. Recientemente e atleta elite den e deporte di bowling esta Tashaina Seraus a sali pa Sibiryak den e capital di Krasnoyarsk region di Siberia, Rusia kendenan a organisa e di 49 edicion di e Qubica AMF Bowling World Cup. Aruba a wordo representa pa Tashaina Seraus y Laurence Wilming. Mester bisa

cu ambos atleta a duna un tremendo presentacion, pero principalmente Tashaina Seraus a sorprende tur hende dor di ocupa un di 6 luga den 64 pais pa asina termina den e miho hungadonan di bowling femenino di mundo.

Prome biaha den historia cu Aruba a logra yega asina leu den un campeonato mundial. Un presentacion unico di e atleta di bowling Tashaina Seraus. E federacion di bowling na Aruba esta ARBAS ta ma-

sha contento di e gran logro di su atleta Seraus.

Comision di Subsidio y Fundacion Lotto pa Deporte kier a felicita e atleta Thashaina Seraus cu su tremendo logro y presentacion durante di e competencia mundial di bowling na Siberia, Rusia. Comision di Subsidio cu financiamiento di Fundacion Lotto pa Deporte ta contento di por aporta un bes mas na un otro exito di nos atletanan local. □



Departamento di Impuesto y Departamento di Financia a haya training

ORANJESTAD - Relaciona cu e training di alarma di candela na edificio "Armand (Manchi) Engelbrecht diamars mainta, Departamento di Impuesto y Departamento di Financia ta gradici tur persona involvi cu organisacion y ehecucion di e training aki.

Un danki hopi special ta bay na e team di calamidad di BelFin "BHV-team" cu ta consisti di empleadonan di dicho departamentonan y sr. Bernd Zalewski di QESH Training & Consultancy NV cu a organisa y coordina e

training.

E edificio a wordo evacua dentro di 10 minuut. Regularmente e team di calamidad ta percura pa tur e preparacionnan necesario.

Gerencia ta convenci cu e personal y e clientenan por ta tranquil cu e team di calami-

dad lo sa di guia tanto e personal y e clientenan profesionalmente ora di cualkier eventualidad.

Na henter e personal, e clientenan y e team di cuerpo di bombero ta bay un palabra di danki pa e cooperacion ricibi. E training di alarma di can-

dela aki tabata ta sumamente importante no solamente pa duna contenido na e seguridad di e personal sino tambe na e seguridad di e clientenan. Por ultimo gerencia ta pidi disculpa pa e posibel inconveniencia cu e training por a causa. □

Mutts



6 Chix



Blondie



Mother Goose & Grimm



Baby Blues



Zits



Conceptis Sudoku

4			7				
	9		1	3			
		3			8		
	7		4			1	
5			9				7
	6			1		5	
		1			2		
			5	8		3	
			2				6

Difficulty Level ★★★★★ 11/29

Sudoku is a number-placing puzzle based on a 9x9 grid with several given numbers. The object is to place the numbers 1 to 9 in the empty squares so that each row, each column and each 3x3 box contains the same number only once. The difficulty level of the Conceptis Sudoku increases from Monday to Sunday.

Yesterday's puzzle answer

4	6	9	7	5	3	2	1	8
1	3	2	6	8	9	4	7	5
7	8	5	4	1	2	3	6	9
3	4	1	9	7	8	5	2	6
8	5	7	2	3	6	1	9	4
2	9	6	1	4	5	8	3	7
5	1	8	3	6	7	9	4	2
9	7	4	8	2	1	6	5	3
6	2	3	5	9	4	7	8	1

ACROSS

- 1 Fall flower
- 6 Ivan the Terrible's title
- 10 Commander of a ship; abbr.
- 14 Rent long-term
- 15 Roll call response
- 16 Canton's state
- 17 off; leaves suddenly
- 18 Annoys
- 19 Payment to a landlord
- 20 Actor in "The Godfather"
- 22 Fancy
- 24 Largest brass instrument
- 25 Liberty
- 26 Noisy brawls
- 29 Bishop's hat
- 30 "Maria"
- 31 Refuse to comply
- 33 "Ode to a Nightingale" poet John
- 37 As as the ocean
- 39 Schnozes
- 41 Urgent; critical
- 42 School composition
- 44 Up and about
- 46 Morning grass blade moisture
- 47 Name for a Stogie
- 49 Game defeats
- 51 Irrigated
- 54 Combine, as funds
- 55 Chairperson's schedule
- 56 Baked Alaska & crème brûlée
- 60 Walking stick
- 61 Harp of old
- 63 Giggler's noise
- 64 Smooch
- 65 Submissive
- 66 Happening
- 67 Individuals
- 68 Tools with teeth
- 69 Browses

1	2	3	4	5	6	7	8	9	10	11	12	13
14					15				16			
17					18				19			
20					21			22	23			
			24				25					
26	27	28				29						
30			31		32			33	34	35	36	
37			38		39			40	41			
42			43		44			45	46			
			47		48			49	50			
51	52	53				54						
55					56				57	58	59	
60					61	62			63			
64					65				66			
67					68				69			

Created by Jacqueline E. Mathews 11/29/13

Thursday's Puzzle Solved

TODD	SPASM	SHOP
APAR	PARKA	POOL
MENU	UTTER	OUZO
ENSNARE	IGNORED	
KIN	SNEAK	
EDGED	HIS	KEATS
IRON	AIL	REDCAP
DAM	ALTERED	OBI
EMERGE	NOV	CROC
RARER	ICY	CANOE
PEACE	GAB	
SUPREME	ROTATOR	
TREE	MACAW	RUDE
EGGS	AGAIN	ENDS
MESS	NERDS	TEST

(c) 2013 Tribune Content Agency, LLC All Rights Reserved. 11/29/13

DOWN

- 1 Actor Alan
- 2 Official stamp
- 3 Waterproof covering
- 4 Manor and the land around it
- 5 Lifeguard, at times
- 6 Beijing's nation
- 7 Two minus two
- 8 Noah's boat
- 9 Vacation spot
- 10 Boxed in
- 11 In the lead
- 12 Splochy pony
- 13 Tribal pole
- 21 Playwright Henrik
- 23 Give off a strong smell
- 25 mignon
- 26 Created
- 27 Arden & Plumb
- 28 Bruce & Spike
- 29 Sloppy
- 32 Plank
- 34 Assists
- 35 Sequoia or elm

- 36 Stitches
- 38 Lack of color in the cheeks
- 40 Storage towers
- 43 Three feet
- 45 Farmer's alarm clock?
- 48 Kingdoms
- 50 Part of a coat
- 51 Nutty
- 52 Once more
- 53 Uptight
- 54 Quick glances
- 56 Sketched
- 57 Ms. Perlman
- 58 Take care of
- 59 Matching pairs
- 62 Truly; verily

**DOCTER
NA WARD****Oranjestad****Dr. Sneek****EMERGENCIA****911**

POLIS	100
POLIS	581-1100
ORANJESTAD	582-4000
NOORD	587-0009
STA. CRUZ	585-4710
SAVANETA	584-7000
SAN NICOLAS	584-5000
BRANDWEER	115
BRANDWEER	582-1108
POLIS TIPLINE	11141
HOSPITAL	527-4000
AMBULANCE	582-1234
SAN NICOLAS	
AMBULANCE	584-5050

BOTICA

O'STAD: Trupiaal Tel: 583-8560
S. NICOLAS: San Nicolas Tel: 584-5712

SERVICES

INFORMATION	118
SETAR	582-2116
TAXI	582-5900
TAXI-TAS	587-5900
PROF. TAXI	588-0035
TAXI D.T.S.	587-2300
SERVICE ARUBA	583-3232

CRUISESHIP

Nov. 28
Carnival Breeze
Adventure of the Seas

MORTUARIO

AD Patres	584-2299
Aurora	588-6699
Mementomori	583-3358
The Olive Tree	584-8888

**FOUNDATION
FELLOWSHIP CLINIC**

Tel: 584-6440
Alcoholism & Drug Addiction,
Anonymity guaranteed

FUNDACION

Anti-Droga
Aruba

(FADA) Tel: 583-2999

FUNDACION

Respetami

Tel: 582-4433

Diabetic Foundation

Arubano

Tel: 583-3808

Narcotics Anonymous

Tel: 583-8989

Foundation Amor

pa Prohimo

Tel: 583-3345 /586-6976

Women in Difficulties

Foundation

Tel: 583-5400



Bo cadena
di numbernan
di suerte ta duna
e number di awe

Sorteo di 28 November 2013

04 07 16
Joker Letter
20 34 19 F



4 0 8 8

Signo :Cancer

1 3 8 0



1 1 9 1

3 2 5 2

6 9 9 8



03 13 14 15
22



03 08 09 22
Mega Ball
14



5 8 7 0

4 4 0 7

8 1 6 1

DIARIO

4 4 8 9

1 9 3 3

3 1 7 6

**SUPER
4**

2 9 6 0

November 16, 2013



8 19 22 29

32 38 X4


Jackpot \$ 31 MILLION

November 19, 2013



14 15 29 49

63 2 X3

Jackpot \$ 181 MILLION**TEMPO**

ORANJESTAD – un aumento di humedad den e nivelnan mas abao di atmosfera combina cu condicionnan faborabel den e nivelnan halto por crea un awasero pasahero.

TEMPO:

Tempo lo ta parcialmente te levemente nubia cu chens pa un awasero isola. E chens ta mas grandi den oranan di marduga pa mainta. Temperatura maximo lo ta di 31 grado Celsius y temperatura minimo lo ta di 25 grado Celsius.

Solo ta sali 6:44 a.m. y ta baha 6:12 p.m.

BIENTO:

Moderate te cu fuerte for di direccion oost, noordoost cu averahe di 14 nudo y biento maximo di 24 nudo.

CONDICION DI LAMA:

Olanan di lama ta for di direccion oost, noordoost cu haltura di 6 te cu 8 pia.

TEMPO TROPICAL:

Nada di importancia pa Aruba.

**PROSPECTO RESTO
PA RESTO DI SIMAN:**

Pa e resto di siman ta muestra mas seco, pero no por descarta e posibilidad pa un awasero isola. Biento lo ta normal y temperatura lo flota rond di normal. □

**DI NOS E TA!****Aries**

Bo paisahe sentimental ta renoba y refresca. Cuminsando e siman aki lo bo compronde hopi cos. No duna hopi importancia na cosnan chikito y controla bo impulsanan. Numbernan p'awe: 15, 19, 38 y 50.

**Tauro**

Loke lo bay pasa cu bo lo ta hopi positivo. Separacionnan ta sosode ora ta cumbini bo. No spanta. Esey no kiermen cu nan lo bay laga bo. Numbernan p'awe: 18, 26, 31 y 40.

**Geminis**

Warda, lo miho ta na caminda. Bo ta sinti bo mes mas sigur di bo mes, cu hopi mas auto confianza y e realisacion aki lo duna bo e push necesario. Numbernan p'awe: 20, 28, 33 y 42.

**Cancer**

Lo bo bay cambia bo manera di mira realidad. Den cuestionnan amoroso, ta hopi bon pa determina loke bo ta pensa di haci den e proximo vakantie. Numbernan p'awe: 21, 29, 34 y 43.

**Leo**

Tin bon vibracion den bo bida amoroso desde awe. Un situacion emocional cu tabata haci bo inkieto ta wordo resolvi. Bo paisahe afectivo ta wordo fortalece. Numbernan p'awe: 22, 30, 35 y 44.

**Virgo**

Bo ta gana amigo y influencia. Ta wordo existi di bo mayor flexibilidad na momento di cambia un plan, opinion of idea cierto persona of situacion. Numbernan p'awe: 23, 31, 36 y 45.

**Libra**

Ta surgi circunstancianan cu ta pone bo perde pasenshi. Bo bida amoroso y e manera cu bo ta relaciona cu bo famianan mas cercano ta den revolucion. Numbernan p'awe: 24, 32, 37 y 46.

**Scorpio**

Bo bida amoroso ta marchando pariba. Awo bo ta conta cu e energia directo di e planeta Mercurio, caminda lo bo supera e problemanan chikito cu tabata molestiabo. Numbernan p'awe: 25, 33, 38 y 46.

**Sagitario**

Bo ta cla pa haya sorpresa y bishitanan inespera. Si bo por, cuminsa traha plan pa scapa cu bo famia of bo pareha na un luga caminda boso por ta tranquil. Numbernan p'awe: 26, 34, 39 y 48.

**Capricornio**

Bo sentimentonan drumi ta lantando. Recuerdo of encuentro fisico cu cierto persona asocia na bo pasado ta lanta emocionnan intenso. Numbernan p'awe: 27, 35, 40 y 49.

**Aquario**

Bo ta bay logra loke a costa bo asina hopi esfuerzo. Lo bo recupera tereno perdi. Ta bon momento pa concentra bo energia den un actividad domestico. Numbernan p'awe: 16, 24, 29 y 38.

**Pisces**

Tin alegria memey di bo bida familiar y social. Afortunadamente e onda di energia cu ta reina na e momentonan aki ta haci bo hopi creativo. Numbernan p'awe: 17, 25, 30 y 39.

CLASIFICADO ECONOMICO



PERSONAL **GRATIS** MAX 20 PALABRA - TA ACEPTA AVISO FOR DI 9:00AM - 4:00PM

**PASA LAGA BO AVISO NA OFICINA DI BON DIA ARUBA WESTSTRAAT #22
OF MANDA BO AVISO VIA EMAIL NA: michael.arends@cspnv.com**

TA BENDE

Pieza di Chevrolet
Avalanche 2002, 4x4
automatic, kibra dilanti,
Pa mas informacion
Tel: 594-9990

TA BENDE

un Hyundai Tiburon
2003, Coupe cu 4 mac
reem di 4.500 fls, clutch
nobo, brakeservice
recien, handremgear
nobo, meter di Fast and
Furiest, body bon
condicion pa Afl. 10.000
recien gekeur
Tel: 567-4328

SERVICIO PUBLICO

Ta service airco split-
Unit y Window Unit. Pa
mas informacion yama
Tel: 565-5471

SERVICIO PUBLICO

Manicure - Pedicure,
Makeup permanent,
extensions, facials,
acrilic gel, colors.
Pa mas informacion
Tel: 744-8320

TA BENDE

Ganga Ganga pa
gordura november y
december ora cumpra 9
saco bo ta haya 12 saco
y nos ta entrega tambe.
Pa mas informacion
Tel: 564-4456

ATENCION

A wordo horta un pareha
di guacamaya (macao),
gel cu blow y ara
militaris berde cu blow.
den e bario di Rooi Afo.
Si tin algun informacion
yama **Tel: 594-0258**

SERVICIO PUBLICO

Pushi muher y homber
bunita y lief. Nan a bira
demasiado nos ta busca
doño cu ta stima pushi y
ta responsabel.
pa mas informacion
Tel: 568-2339

TA HUUR

1 Bedroom apartment
semi muebla pa 1 of 2
persona Afl. 1250,=
1luna borg, awa, cable
wifi, coriente apart
Tel: 594-9069

TA BENDE

Un auto Renault
Celtraquatre 1936 por
cambie pa otro auto
tambe. Un Nissan
Platina 2005 89km
prome doño.
Pa mas informacion
Tel: 566-0453



TA BENDE

Diferente lampi pa
muraya, blanco y geel
rondo, oranje driehoek,
cada uno Afl. 5,=
Tel: 561-0227

TA HUUR

Studio apartment
muebla na Savaneta
1pers Afl. 1050,= 2 pers
Afl. 1250 plus 1 luna
borg. inclu awa/ airco/
wifi/cable
Tel: 732-1104

TA BENDE

Ford F-350 dually full
equipped 2000. 4 drs.
wheel size 22",
color shinishi silver
Hopi bunita, hopi extra's
Prijs Afl. 45.000,-
Pa mas informacion
Tel: 593-0403

TA BENDE

Un Lexus RX 330, SUV
Bouwjaar 2006,
44.900km cori, full
equipped den bon
condicion y bon prijs.
**Tel: 593-5565 /
593-0730**



TA BUSCA

Un camber pa huur sin
airco pa Afl. 500,-
Pa mas informacion
Cel: 561-7112

TA BENDE

Un Ford Explorer 2012
top condition garantia te
cu 2015. Pa mas
informacion por yama
Tel: 561-7112

TA BENDE

Un dresser pa cama
twin, e ta un style di
comforter, color ros cu
wiel borda Afl. 175,=
Pa mas informacion
Tel: 561-0227

MASSAGE

Professional Masseur,
certified and diploma's
from beauty with
style. Email:
palmsaruba@hotmail.com
Pa mas informacion
yama Elix Croes
Tel: 560-7823

TA BENDE

1 Frigidair ta traha ijs, 1
mesa di kwihi grandi, 1
mesa di comedor puro
palo sin stoel, 1 bisti di
ricibimento, y pak
boutismo pa mucha
homber. Pa mas
informacion
Tel: 747-3492

TA BENDE

Un set di cama pa
mucha y cashi paña.
Pa mas informacion
Tel: 737-7000

TA BENDE

Un Harley Davidson
costum. Hopi bunita,
nobo gespuit, hopi
chrome messs
Prijs Afl. 25.000,=
Pa mas informacion
Tel: 733-9993

TA BENDE

1 Guitar electrico cu su
amplificado marca
Robson den bon
condicion.
Prijs ta solamente
Afl. 200,=
Tel: 563-1060/566-9490

SERVICIO PUBLICO

Ta ofrece pa verf cas of
cura den e temporada
nan aki nov/dec. Nos ta
drecha y lanta cura pa
cas. Pa mas informacion
Tel: 564-3588

TA BENDE

1 slof birkenstock 41
Afl. 125,= 1 slof
graceland 40 Afl. 50,=
pañã pa chiwawa 35,=
termo pa 24 ora cayente
35,= spiel rondo grandi
60,= pa mas informacion
Tel: 740-6673

RIJLES

HERMUS
Rijschool NV.
582-6732 / 594-3263
www.hermusrijnschoolnv.com

Sividi 1-C
Patras di
IMPEX NV

CHIKI SEPTIC TANK

Darren L Kelly
Adres: Tanki Leendert 8
Cell: (297) 564-1777
Cell: (297) 569-4646

BON DIA Aruba


Bo ta stima bo yiu.

**BISA NO
NA ABUSO DI MUCHA...**

HASI USO DI CARSEAT

BON DIA Aruba

**Tira bo sushi
den bari,
tene Aruba limpi...**





ORANJESTAD – E bunita pareha Erika Rincon &



Miguel Virla a invita mas di 250 persona pa participa den

Bruid di Erika Rincon & Miguel Virla

nan celebracion di bruid na Aruba, cu a tuma luga recientemente. Bishitantenan a bula bin for di tur rond di mundo, incluyendo Merca, Colombia, varios pais Europeo y e pais natal di e pareha, Venezuela.

Ya cu nan a casa den e Misa di Paradera, den curason di nos isla, transportacion cu bus a wordo inclui riba e gran dia, y na final di un atardi excitante, e pareha recien casa y nan invitadonan a yega bek na Divi Aruba Phoenix Beach Resort pa un celebracion real, ricibi cu serbete cayente di mas y un sin fin di champagne bon friu, acompaña pa un surtido delicioso di hors d'oeuvres.

cu un super premium open y Elite Productions a bar. Invitadonan a haci prepara e escenario y e



For di e momento ey e invitadonan di e bruid a fiesta henter anochi, cu e musica di dos banda local popular, esta The Untouchables y Tsunami, y un DJ tocando entre e presentacionnan di e bandanan.

Un cena interactivo a wordo sirbi henter anochi, combina

bishitanan regular na e stacion di cuminda di lama, e stacion di carni, e stacion cu a prepara pasta fresco, y a yuda nan mes na e buffet exkiso di pasaboca, cual a inclui petit-fours, bolo, tert y bonbons.

Ora cu Koolman's flower shop a completa e decoracion,

zonido, Pure Beach a wordo completamente transforma pa un "al fresco" beach lounge cu un pista di baile solamente algun stap leu di e awa di lama.

E resort ta raporta cu henter e ekipo di Banquet y F&B di Divi tabata involvi y a asisti den crea e di seis den un serie di celebracion extravagante di bruid cu a tuma luga recientemente, tur organisa pa e profesionalnan di Divi Aruba Phoenix Beach Resort profesional.

Cu un anochi di pizza gourmet, cerbes y biña na e piscina di e resort, e anochi prome cu e bruid, ademas di e festividadnan espectacular riba e dia di bruid, e pareha y nan invitadonan a bandona Aruba cu sonrisa grandi riba nan cara, primintiendo pa bolbe bek pa nan prome aniversario. □

Organisacion Cabesantenan Enseñansa Basico(OCEB) ta cumpli 20 año

ORANJESTAD– Despues di a sigui un curso intensivo durante dos año cabesantenan di scolnan basico a uni den un organisacion cu tabata yama Hoofden Overleg na november 1993. Marnix Academie di Hulanda e tempo ey a trece Aruba dos docente pa duna curso di maneho di scol na tur cabesante di scol basico. Cabesantenan a haya tarea nan cu a wordo checuta den practica y a bini hunto pa evalua e proceso y pa elabora riba e tareanan duna. Union entre cabesantenan ta refleha su mes den resultadonan den cada scol (muchu- maestro- mayor). Na final di e curso cabesantenan a forma un directiva

consistiendo di cabesantenan di scolnan basico di Aruba cu e meta pa hunto traha riba e tereno di enseñansa den nos scolnan basico na bienestar di cada alumno kendenan ta bishitando nos scolnan. E organisacion a conoce diferente directiva consitiendo di cabesantenan mes y e directiva actual no kier a laga e hecho aki pasa sin mas. Pa e motibo aki a bini hunto diadomingo dia 24 november 2013 den Iglesia San Francisco pa yama Dios Tata Todopoderoso danki pa e 20 añanan cu ta tras di lomba y pa pidi Su proteccion, guia y yudansa pa e añanan cu ta bin pa asina nos tur por cumpli cu e trabou aki cu nos mes a scoge pe.



Despues di e Santo Sacrificio di Misa cabesantenan y ex cabesantenan a reuni na Laguna Restaurant di Radisson Hotel

pa un dushi brunch. E directiva actual ta yama pa bien na tur colega cabesante di scolnan basico di Aruba

kendenan a bini hunto pa celebra e hecho historico aki. Directiva actual di OCEB ta consiti di e siguiente cabesantenan di scol: Sr. Jani Stamper, presidente (Colegio Cristo Rey); Sra. Carmen Statia-Schoenmaekers, vice-presidente (Maria School); Sra. Stella Tromp-Chan, secretaria (Rosario College); Sra. Caroline Cardose, 2do secretaria (St. Dominicus College); Sra. Sheila Lazo-Tromp, tesorera (Pius X school); Sr. Louis Bernoski, comisario (Beatrixschool); sr. Gerardo Figaroa, comisario (St. Franciscus College) y Sra. Zelda Steenen, comisario (Scol Paso pa Futuro). □